

蟬

史

集

蟬史集卷之九

檇李穆希文 纂

甲蟲類

龜

大戴禮云甲蟲三百六十而神龜為之長說文曰龜外骨
內肉故篆龜从𪚩𪚩龜頭與𪚩同天地之性廣肩無雄古文
作𪚩象其形也埤雅云龜舊也外骨內肉腸屬于首廣肩
無雄與蛇交匹故龜與蛇合謂之玄武類從云龜不咽粟
蓋龜善歲久能行氣導引其背微偃韓子謂之窮龜相法

以為強脊如龜有後之人也

爾雅云龜俯者靈行頭仰者謝行頭前弁諸果甲前後弁

諸獵甲後左倪不類謂行頭左食者以甲右倪不若行頭

為右食甲又曰一曰神龜二曰靈龜三曰攝龜四曰寶龜

五曰文龜六曰筮龜七曰山龜八曰澤龜九曰水龜十曰

火龜謂之十龜龜策傳云天龜曰靈屬地龜曰謝屬東龜

曰果屬西龜曰類屬南龜曰獵屬北龜曰若屬名曰六龜

藝文類聚曰北斗龜南辰龜五星龜八風龜日月龜二十

八宿龜九州龜玉龜謂之八龜又曰石龜泉龜蔡龜江龜

河龜淮龜旱龜謂之九龜

周官龜人掌六龜之屬各有名物天龜曰靈屬天龜玄俯者靈也地龜曰繹屬地龜黃仰者繹也東龜曰果屬東龜青前弁果也西龜曰靄屬西龜白左倪靄也南龜曰獵屬南龜赤後弁獵也北龜曰若屬北龜黑右倪若也各以其方之色與其體辨之凡取龜用秋時攻龜用春時各以其物入于龜室若有祭祀則奉龜以往

周官卜師掌開龜之四兆一曰方兆二曰功兆三曰義兆四曰弓兆凡卜事眡高揚火火以作龜致其墨凡卜辨龜之上下左右陰陽以授命龜者而詔相之

上仰也下俯也左左倪也右右倪也

倪也陰後弁也陽前弁也

周官筮氏掌三焦契以待卜事筮荆木也灼

龜用之燋即灼龜之木契即開龜之鑿三禮圖云龜以春
灼前右夏灼前左秋灼後右冬灼後左

周官司常鳥隼為旗龜蛇為旐註云畫龜蛇取其能扞難
避害也禮云發兵行將將鑕龜以決吉凶禮曰龜三千歲
遊于卷耳之上或云千歲之龜巢于蓮葉游于卷耳之上
六帖云龜百歲一尾千歲十尾二百歲為一總龜千歲曰
五總龜龜策傳曰千歲一聚問無不知又曰龜千歲游于
蓮葉之上逸古今註云龜一名玄衣腎部一名清江使者
抱朴子曰千歲之龜五色具焉其額上兩骨起如角遊于
蓮葉之上或在薺葉之下又曰靈龜五色色似玉背陰面

陽上隆象天下平法地轉運應四時蛇頭龍頸左睛象日
右睛象月知吉凶存亡之變又曰龜千歲能與人言

龜經曰龜生百歲故生鵠尾之上又曰龜有五色依時用
之青龜之屬春宜用之西坐東向赤龜之屬夏宜用之北
坐南向禮統曰神龜之象若云錦文運轉應四時

陸佃曰龜鰲皆隔津望郊故語曰龜思鰲望化書云牝牡
之道龜龜相頤神交也鶴鶴相唳氣交也言龜雖與蛇合
亦有以神交之者易云舍爾靈龜蓋龜有靈德伏匿而噓
蓄潛而不至于養故古者蓋蓋皆為龜形于其上而大臣
以貪墨坐廢者曰蓋蓋不飾也或曰龜睡無鼻息氣從耳

出故善伏書曰九江納錫大龜昆命于元龜遺我大寶龜
書云禹沉璧于洛神龜負書出于背上赤文朱字史記云
禹治水時神龜負書出于洛其數皆九禹因作九疇即洛
書也龜策傳云神龜出于江中長尺二寸每歲輸二十枚
于太卜官太卜官以吉日剔取其腹下甲龜千歲乃滿尺
扞龜○本草云扞龜一名蠓龜小狹長尾腹下有橫折見
蛇則夾而食之江東人呼為陵龜可療蛇毒筆談云龜者
壽物養庭中可以愛玩尤宜高山龜爾雅謂之扞龜腹下
殼能開合者此龜不賴水陸地畜之不失其性能啖蛇蛇
甚畏之

螭龜○說文曰螭龜以胃鳴本草云螭螭大龜也甲可以卜俗謂之茲夷蓋山龜之大者背上可負而行漸循之間甚多龜被人執剔取其肉則鳴吼如牛聲動山谷爾雅註曰涪陵郡出大龜綠中文似玳瑁俗呼靈龜一名靈螭秦龜○本草云秦龜即山中龜不入水者其形大小無定爾雅所謂山龜是也大者如碑趺食草根竹萌冬月藏土中至春出遊山谷人揭取其甲如螭龜堪飭器物帶其前瞞骨入山不迷

鵝龜○一名瘡龜本草云生高山岩下身扁頭大嘴如鵝鳥故名鵝龜能治老瘡故曰瘡龜

鼈龜○水土風物志云鼈龜形薄頭喙似鵞指爪本單云
鼈龜生海中頸足不能縮大者重十斤

三足龜○爾雅云龜三足貴山海經云大若山狂水出焉
注于伊水中多三足龜貴其別名也

六眼龜○福建志曰興化龜洋山下池中出六眼龜文獻
通考唐大定初虔州獲六眼龜一夕而失爾雅註疏云陽
羨君山上有池池中出六眼龜宋太平興國及政和間俱
獲六眼龜

金龜○宋太平興國間兗州衛州各獻金龜史云劉贊夢
金龜文思大進

兩首龜○宋都水使者趙霆行兩得兩首龜

赤龜○燕相子之過魯津有赤龜嘶璋以獻或云此即爾雅所謂火龜是也生于火中而不畏火猶火鼠之類也

綠毛龜○一統志云蘄州西河井產綠毛龜大者重十錢小者重五錢極小者尤佳蓋甲上有綠毛茸生出水則歛入水則披拂如海苔然

神龜○文獻通考曰江使神龜于河至泉陽為漁者豫且所得龜見夢于元王王謀之術平平卜之曰殺龜以卜吉乃剗龜七十二鑽而無遺策

筮龜○按易云定天下之吉凶成天下之亹亹莫大乎蓍龜

蓍耆也龜舊也故古者以龜卜蓍筮白虎通曰蓍龜者天地之間蓍考物也故問之龜象也天產也蓍數也地產也周官卜人曰凡卜筮君占體大夫占色史占墨卜人占坼說文云坼龜坼也龜灼之而坼而後墨與色可知卜人史占坼史占墨次之大夫色占又次之衆占脩焉而後君占坼以斷吉凶之序也玉藻云卜人定龜史定墨君定體周官筮人曰國之大事先筮而後卜龜策傳云上有蓍耆下有伏龜先儒曰凡筮草生滿百莖上有雲氣覆之下有靈龜守之觀此則知卜筮之相為用也

藥龜○本草云水中龜殼可入藥取鑽灼之多者名漏天

機一名敗龜板塗酥灸黃為末酒服療瘋疾丹溪朱氏曰
龜板大有補陰之功蓋龜乃陰中至陰之物藥北方之氣
而生故能補陰

異龜○述異記云堯時越裳獻千歲龜龜背有斜斗文記
開闢以來事帝錄之辨龜厓

岩蛇○蟬史云岩蛇一名類蛇甲虫也被甲似龜而稍匾
尾類蛇長四五寸鵝頭鷹喙堅如鉄石四足似龜稍長常
隱伏岩下身極臭腥咯咯作聲人以鐵鋤撲之能驚鐵使
乘疑此即鶚魚也然考之古典並無此物姑存記之

龜鼈○本草云龜鼈形如笠四足漫胡無指其甲有黑珠

文彩一如瑇瑁但薄而色淺不堪作器唯堪貼飾爾今人
謂之鼈皮說文云鼈鼈似龜屬也頭有兩角出遼東
鼈鼈○水土物志云鼈鼈與龜鼈相類而大生乳海邊沙
中肉極美多膏中啖

瑇瑁

本草圖經云瑇瑁生嶺南山水間龜之類也惟背甲上皆
有紅點斑文大者如盤入藥須生者佩之可以辟蟲毒遇
飲食有毒則必自搖死者則不能動矣今人多取以作器
皿明潤光彩可愛或云收得此物者以鞭笞其殼使其血
凝方有光彩陳士良曰瑇瑁身似龜形背如鸛鵒草木子

曰物之牝牡一生不再交者虎也鴛央也玳瑁也

汲冢周書云正南甌鄒柱國請以珠璣瑇瑁象齒文犀翠羽茵鶴短狗為獻埤雅曰璣瑁乳如大如彈丸望如而蔭一如龜鱉名曰獲如

鱉

埤雅曰鱉以眼聰窮脊連脊甲蟲也水居陸生魚滿三百六十則龍為之長而引飛出水內有鱉則魚不復去故鱉一名神守細腰純椎大腰純雌細腰蜂蟄之屬大腰龜鱉之屬以蛇為椎本草會編云南人魚池中多畜鱉令魚不隨露起草木子曰鱉無耳為守神羅氏曰鱉如生形圓而

脊窮四周有褊易離為鯢為鱉為龜以其骨在外肉在內也古今註云鯢為河北從事

荀子曰跬步不休跛鯢千里言鯢行踟躕而又跛焉今能卒致千里則亦不輟焉爾許曰魚鼈膾鯉言熟則有魚鼈腥則有膾鯉也雜俎曰甲蟲影伏羽蟲体伏今鼈伏于淵而郊剖于陸此思化也內典曰鵲影生鯢思生是則思生又與影伏異矣世云鯢伏隨日朝首東向夕首西向也又云鯢之所在其上必有浮沫謂之鯢津捕者以此得之易林曰龜鳴岐野鯢應干泉燕山錄云煮羊以鼈煮鯢以蚊蠶物之相感如此養生襍纂曰鯢不可與雞子雞肉莧菜

同食周官鼈人掌取互物以時籍魚鼈龜蜃凡狸物春獻
鼈魚註云互物謂有甲介者籍叔也刺于泥中以取狸藏
之物春謂子丑寅之月秋謂午未申之月凡此皆以避其
生育之時汲冢周書云長沙鼈章蔭註云長沙之鼈特大
而美故貢養生雜纂曰鼈係四足狀如神龜宜放不宜食
六甲日弗食鼈四目者獨目者白目者赤足者三足者腹
下有小字王字天字者領下有軟骨如龜形者頭足不能
縮者目凹陷者皆不可食三元參贊曰鼈居水底性甚冷
肉能補陰又能補氣

能如來切說部
能如登切

爾雅云龜三足貴鰲三足能鄙註云吳興陽羨山上有池
出三足鰲六眼龜山海經云往山多三足鰲大若山多三
足龜皆岐尾部註云有鰲三足有龜六眸國語云堯殛鯀
于羽山其神化為黃熊以入羽淵左傳作黃熊或作鹿熊
之能蓋熊與能皆陸獸非也入于羽淵信鰲類也

鰲一作鰲

韻府群玉云鰲海中大鰲也格物論云鰲大鰲也其形鼎
顛列子所謂斷鰲足以立四極者是也

鰲似鰲無裙頭足不縮食之令人昏塞
魚名亦鰲

朱鰲○南越志云朱鰲出珠山海經云珠鰲之魚其狀如

肺有四目六足而吐珠呂氏春秋曰醴水之魚名曰朱鰲
六足有珠百石註云有珠如鮫皮也本草云朱鰲人帶之
主刀刃不傷

予○雜俎云蛇頭鰲身入水綠樹木生嶺南南人謂之予
其膏至滑利銅瓦器貯浸出唯雞卵殼盛之不漏廣州記
云予水宿亦木棲蛇頭鰲身

鰲

埤雅云鰲大鰲也濶一丈鰲以爲雅鰲鳴而鰲應所謂雄
虫鳴于上風雌虫鳴于下風而風化即此類也淮南子曰
燒鰲致鰲此以其類求之舊云鰲亦思化其時得火可以

然鉄今鼃亦水居陸產如鷺如伏影而化

羅氏曰鼃鰲以蛇為雄今鼃反以鰲為雄故曰鼃鳴鰲應
鼃好自暴其腹于江岸漁人伺便掣之倉卒不能自反乃
為所制本草曰鼃大者濶一二尺老者能變化為魅肉有
五色而白多至難死剔其肉盡頭猶咬物

蟬史云鼃似鰲而大頭有疣搭名癩頭鼃極有力善攻岸
人以釣索釣之鼃吞釣必任其曳舟而去俟力盡乃得之
拾遺記曰禹濟巨海鼃躍為梁陸佃曰此與黃帝以虎豹
為前驅鵬鵠為旂幟無異皆德之所感未足為怪也國語
云周出王時龍烝化為玄鼃入宮女身遂產褒姒以亡國

蟹

廣雅曰蟹雄曰娘雌曰轉帶埤雅曰蟹殼堅而脆團臍者牝尖臍者牡也月黑則肥月明則瘦外骨內肉旁行故曰旁蟹梓人註云却行蜎屬旁行蟹屬是也易曰離為蟹言離卦外剛內柔而性又火躁故為蟹也荀子曰蟹六跪而二螯非蛇鱗之穴無所寄託者用心躁也太玄曰蟹之郭索用心躁也螯是蟹鉗蓋其兵也所以自衛造化權輿曰龍易骨蛇易皮麋鹿易角蟹易螯折其螯足隨沒更生羅氏曰蟹八跪二螯八足折而容俯故曰跪而螯偃而容仰故曰螯字从解者以隨潮解甲也殼上多作十二點深

蟹脂色如鯉之三十六鱗其腹中虛實應月之盛衰以辨
大小為雄雌其類甚多其性甚寒

汪機曰蟹之大者箱角兩出足節屈曲行則旁橫每至夏
末秋初如蛭蛻殼故曰蟹

抱朴子曰山中辰日稱無腸公子者蟹也蟹譜云吳俗有
蝦苴蟹亂之說取其披堅執銳也故或蟹眼至以為有兵
之兆又曰出師下岸之際忽見蟹稱為橫行介士或云蟹
無腸故畏雷霆醺蟹若以火照之則蟹膏成沙矣

俾玄蟹譜總論曰蟹水虫也以其外骨則曰介取其橫
行則曰螃蟹本草云蟹入洞六年深者化而為石名石蟹

取以點目最良或曰乃多年水沫相着化而為石每遇海潮即飄去陸龜蒙曰蟹水族之微者其為虫也有籍見于禮記載于國語大士詞晉春秋勸學等篇考于易象為介類與龜蟹剛其外者皆乾之屬也唯左氏紀其為蟹

三元書曰蝟蚌有虎斑文者名虎蚌小者名黃甲赤蟹曰蟹雖非集云石物截小蟹也會編云濶殼而黃者名蝟蟹生南海中其殼最銳周官庖人註云若青州之蟹胥說文曰胥蟹醢也禮記云梓人為簠簠別紋小蟲蟹屬以為雕琢註云刻畫祭器博庶物也疏云今人謂之螃蟹以其側行也呂无云海商言海中龜鼈島之東一島多蟹種類甚

多異有虎頭者有翅能飛者有能捕魚者有殼大煮者
會稽有螭蜺蟹皆化為鼠

本草云蟹性敗漆燒之致鼠故今人以蟹膏塗漆瘡器具
有漆者蟹過之輒解故淮南子曰蟹見漆而不乾

汲冢周書云海陽大蟹車藥註云海水之陽一蟹盈車

星曆家以未宮為巨蟹宮稱為郭索者多足貌也

本草曰蟹目相向者直行者赤目者班足者獨螯者獨目
者六足四足者殼似人面者腹下有毛腹中有骨背及頭
上有星點者俱不可食

蟬史云蟹之種類甚多而形狀迥異為世所稱者蝤蛸稱

蟹其選也古今書記多混而無別如呂亢言蝓蚌有毛蔡
謨言蝓蚌害命桀步擁劍一種也而又今之蝓蚌蝓蟻異
類也而反合之他如含芒輪海止稻蟹為然隨潮退殼止
紫蟹為然今混稱妄註寔為格物者之病今以的見形狀
條列于左

蝓蚌○一名蝓蟻一名黃甲蟹之最巨者殼廣而無斑螯
負而無毛殼有兩尖橫出與紫蟻相類而螯八足後兩足
屈而俯名曰撲掉子春夏在水中秋末冬初深穴于泥中
掘之必得一雙名曰對蟹大者如升小者如堞蟹味唯此
最佳本草拾遺曰蝓蚌大者能與虎鬪虎不如也本草會

編云今海邊蝟蚌大者不止一尺未聞能與虎鬥也烏花
谷云明越間四時有蝟蚌重者踰數斤其小而黃謂之石
蝟蚌肉硬或云蝟蚌一名蠟潤殼而多黃兩螯最銳斷物
如芟刈焉

紫蟹○一名子蟹一名白蟹殼似蝟蚌足亦有撥棹子但
殼上有腺脂斑點不比蝟蚌之純青色耳螯直而長有稜
如削隨潮退殼一退一長螯及無毛又名蟬蟹四五月蟹
下懷子如栗而細名曰蟹子土人珍之或曰紫蟹殼似蝟
蚌而淺脚似蝟蚌而短螯似蝟蚌而直腹似蝟蚌而瘦其
味非比蝟蚌抑亦不及稻蟹也三元參贊曰蝟蚌有虎斑

文者名虎蠃即此是也

稻蟹○設貢而小上有凹紋大者不過半斤螯上細毛如苔脚亦有毛俗呼螃蟹淮海最多而蘓嘉亦有之春夏六於沮洳淺水中八九月稍熟必大出各持一穗以朝其魁然後從其所之晝夜沸奔自江轉海或謂持稻以輸海神漁人伺其出水拾之夜則以燈照捕陸佃曰蟹八月腹內有芒俗謂含之以輸海神蓋輸芒後方可食

攤劍○蟹之小者一螯大而長赤斑色一螯短而白色形類螯越生海塗上以大螯開以小螯取食螯足無毛又名架走又名合捕又名竭朴又名執火蟹以其火螯赤色以

執火其穴曲直宛轉穴口作泥團以障水海人春之作醬
名蟹醬乃蟹之下品也或云擁劍以大螯障目以小螯取
食

彭蜆○一名彭越舊傳漢醢彭越賜九江王布布不知而
食俄覺而哇出于江中化為蟹而去似彭蜆而小無毛穴
直易取爾雅所謂螯蟹搜神記所謂長卿者是也

彭蜆○色赤而小似彭越而有毛或云黑班而有文章今
所見者無班但赤色耳味腥膏薄食之令人泄瀉本草會
編曰螯蜆處處有之鄉付間取為常食名其螯為鶯哥嘴
沙蜆○似螯蜆而匾小兩螯青色勾曲生海塗中殼黑而

通体有毛可啖吕亢曰一名沙狗似彭蜺壞沙為穴見人則走屈曲易道不可得

招潮○一名望潮吕亢曰殼白色居則背穴外向潮欲來舉螯如望不失常期汪機曰招潮子潮將至而出穴舉螯迎潮海物異名記云招潮子蟹之小者衆螯望潮數九○似彭涓螯取主作九端三百而潮至

螯奴○蟹之最小者似蟻而大螯殼中居為螯所食

石蟹○生海岩間大者如錢小者如指黑色人取食之

蘆邊蟹○又名蘆區蟹生水中形頗類螭蟬而極小

蘆虎○似彭越兩螯正赤不可食

百足蟹○善苑國出百足長九尺四螯煎為膠膠謂之螯膠膠鳳喙膠也洞冥記云善化國貢蟹九尺百足四螯糖蟹○襍俎云平原郡貢糖蟹採于河間界每年生貢斷冰火照懸老犬肉蟹覺老犬肉即浮因取之一枚直百金以甕密束于驛馬馳至京師

蛭○似蟹六足比蟹○似蟹四足俱大毒不可食

蟹

蟬史云蟹眼在背上口在腹下其血碧色雌大雄小雌常負雄而行若無牝則死漁者拾之必得其雙海中群行輒相積于背高尺餘如仇乘風而遊其蔽伏沙上亦輒飛躍

常遠行蹟數步如兔探踪青黑色十二足似蟹其腸一直
無曲腹中有子如粟而大四五月間肥中食土人醢之殼
上有尾如矛常偃高七八寸每遇風至則舉扇風行俗呼
鰲帆舊云視鴈創枕觀鰲制帆倣魚造櫓效鰲設纜是也
皮殼甚堅其腸甚腥臭醢時去之和以糟醬段成式所謂
鰲醬是也性畏蚊蚊小螫之即死暴之日中無恙隙先稍
射之即死

嶺表錄異云雄小雌大置之水中雌浮雄沉燒其脂可致
鼠寧波志云鰲形如覆斗青褐色十二足長五六十寸廣如
之尾長二三尺其殼堅硬腰間橫紋一線軟可屈摺每一

屈一行口是皆在履斗之下草木子曰蟹雄者多肉殼可
為刺尾可為小如意也番禺襍記云蟹象如牌後亦名蟹
牌瑣碎錄云蟹小而黑者名曰鬼蟹食之害人

𧈧江○蟬史云𧈧江似蟹而小十二脚

蟹奴○桂萱錄云海上有蟹大如錢腹下又有十蟹名曰
蟹奴

千人捏○襍俎曰千人捏形似蟹大如錢殼甚固壯夫極
力捏之不死俗云千人捏不死因名焉

海月○寧波志云海月形負似月亦名海鏡又名沙鏡土
人鱗次之為天窓水土物志云海月大如鏡白色正負常

死海邊体如榆筴瑩然明潤蟬史云蓋璅瑁相類而腹中無蟹也陳藏器曰海月乃水沫所化煮時猶變為水海蛤類也江賦云雪布餘糧星離沙鏡註云沙鏡色似雲母形如蚌而中有肉取其殼以飭憲櫓

璅瑁○蟬史云璅瑁一名璅瑁一名海鏡似蚌腹下有小蟹為璅瑁出求食蟹或不至則璅瑁餓死呼蟹為蟹奴錄異云海鏡似蚌中有紅蟹子小如荳海鏡飢則蟹出拾食蟹飽則海鏡亦得飽蟹飢則海鏡亦飢萬花谷云海鏡廣人呼為膏葉盤兩片合成殼負中瑩滑逼之以火即蟹子出立斃生剖之蟹子活逡巡亦死與海月一般南越志云

環珞長寸餘大者長二三寸腹有蟹子如榆莢合体共生蟹為珞出求食草木子曰物有相資以生者環珞腹蟹是也物有相待以動者水母貝蝦是也

寄居○草木子曰寄居一名寄生殼如蝸而大一頭螺蛤也小蟹寄在殼內常候螺開出食螺欲合遽入殼中

寄居生明越東海中殼如貝子而尖底旋繞岩洞邊有之或云螺蛤無肉蟹即是其肉也常帶殼而走未嘗脫却殼云一種有小螺殊入螺殼中負殼而走亦名寄居皆其類也陶弘景曰海邊有一物似蝸牛有殼以火炙之便出走食之益顏色名曰寄居

蚌一作蚌

埤雅云鶯孚乳以夏蚌孚乳以秋襍俎云蚌聞雷聲則藏

或作喇其孕珠若懷孕然故謂之珠胎與月盈胸淮南子
所謂日至而麋鹿角解月死而螺蚌雉者是也墨子曰周
之靈蛙出于土石楚之明月生于蚌蜃蓋物有非其類而
化焉牡蠣蚌蛤無陰陽牝牡須雀蛤以化故蚌之久者能
生珠專一于陰也易曰離為螺為蚌蓋螺之形銳蚌之形
剝皆外剛內柔而性又善麗故也說文云蚌類一種名曰
蠃一種名曰蜃皆出海中可食

筆談云月虧而蚌蛤消露下而蛟蜃解蘓子美云老蚌吸
明月降胎水犀望星星入角龍門子曰象以牙而見獠蚌
以珠而剖腹蘓東坡曰翠以羽而殞身蚌以珠而破腹

抱朴子曰珠徑寸已上可服酪漿漬之皆化為水銀亦可
以浮石水蜂窠燬化包形蛇黃合之可引長三四尺丸服
之能穀長生嶺表錄異云廉海有洲島島中有珠池其底
與海通每年修貢珠戶入池皆採老蚌珠如宛莖如彈丸
者亦有之其殼名珠牡又名珠母可斷削成釵釧

蟬史云蚌似蛤而長江海溪湖皆有之惟廉州海中者孕
珠名珠母一名方諸本草會編云方諸大蚌也向月取之
得三二合水朝露也陽燧向日方諸向月皆能致水火也
一統志云合浦東海中有平江等池產珠蛋人採之極難
每以長繩繫腰入水取蚌置藍田則振繩令丹人級取之

偶遇惡魚一線之血浮水則壅魚腹矣敘宗奭曰河北塘
樂中亦有珠母與廬州者不相類清水急流處其色光白
水濁及不流處其色暗欲穿頂得金剛鑽鑽之史蓋嘗為
合浦守初合浦有珠為守貪珠乃徙往交趾界自嘗脩政
珠乃再還合浦

蛤

蟬史云蛤蚌屬其類甚多海中最大者名曰蜃能吐氣成
樓臺小而紫斑文者曰文蛤兩頭尖者名齊蛤皆厚殼而
形似蚌生海中爾雅云蚌含漿註云即蜃也蓋形醜故郭
氏合言之其蛤州車螯另條汲冢周書會解云且甌文蜃

註云且甌在越文蜃大蛤也又曰東越海蛤註云東越海
際貢文蛤月令云九月雉入大水為蛤十月雉入大水為
蜃方氏曰雀乳子而集以春雉求雌而雌以朝皆陽類也
蛤蜃陰類也成亥者陰之極也故陽為陰所化物理固如
周官春獸繫蜃秋獻龜魚又掌蜃掌飮互物蜃物以共
圉圉之蜃祭祀共蜃氣之蜃共白蜃之蜃禮記云掌蜃供白
蜃之蜃註云謂蜃灰飾牆使白也

崇有論云蛤蜃無職海物異名記云蜃布泥有疆界其蒸
氣也為樓陶隱居曰遠志畏蜃蛤海人食之一種名三蛟
亦其類也汪拱云白殼紫蜃蛤之大者乃雉入水所化

番禺錄云番禺每天雷大蛤從空而下名曰天蛤

蛤蜊

蛤負者名蛤蜊俗呼負蛤似蜆而大生海中唐時明州歲貢蚌蛤淡菜蛤即蛤蜊也凡蛤蜊皆性冷草木子云蛤蜊候風而能以殼為翅飛

車螯

本草云車螯亦名蜃大蛤也其殼甚厚生海中殼可製器食療本草云車螯蝟螯類不可多食此疑車螯為蟹螯一蟬史云車螯唇厚而白持偃而斑紫錦交錯其肉美中食疑即文蛤是也東坡謂車螯即魁蛤誤矣亦能吐氣成樓

臺蛤之類也蓋班蛤謂之車螯毛蛤謂之城蜺尖蛤謂之
齊蛤負蛤謂之蛤蜊大蛤謂之蜃小蛤謂之蜃薄蛤謂之
蚌稜蛤謂之蚌蓋形畧少殊故名亦不一也汲冢周書言
且甌獻文蜃即車螯也

城蜺○陳藏器云城蜺一名生蜺似蛤有毛長而匾又名
毛蛤襍俎所謂在蜺蜺子新烏賊錫臙蜺子即城蜺也
黃蛤○蟬史云黃蛤色黃蛤之類最小者也生海塗中一
潮生一暈殼有黃文海人取其苗養于塗泥中候其長而
取貨于市殼薄如指甲形雖細小而味甚甘美土人珍之
白蚌○蟬史云白蛤似黃蛤而白色殼硬而厚非比黃蛤

之薄而脆也味之下者

蚌

爾雅云魁陸註云魁狀如海蛤負而厚外有理縱橫即今之蚌也海物志云蚌一名天爵本草云一名魁蛤一名魁陸一名瓦壠子說文曰千歲燕化為海蛤伏翼化為魁蛤魁蛤一名伏老耒有文彩形似紡軋亦能壓丹石毒蟬史云今海濱人取其苗養于塗泥中俟其大乃貨于市

嶺表錄異云蚌蚌蛤類也瓦殼中有肉紫色盧尚書移鎮南改為瓦壠子以其殼上有稜如瓦壠子侯鯖錄云瓦壠鎖殼渾沌錢文如建瓴外眉而內渠名曰瓦壠或曰眉謂

高為眉渠謂瓠為渠即魁陸也襍俎云鼎俎之味有蟹蜃
細螺紫醬蚶醬

淡菜

食療本草云淡菜一名殼菜似馬刀而厚生東海岩上其
肉如人牝故又名海牝肉大者生珠肉中有毛肉有紅白
二種其味性溫補五臟理腰脚益陽事陳藏器曰淡菜一
名東海夫人生東海似珠母一頭尖中含小毛

煙○煙生海塗中穴居似馬刀而殼薄長二三寸大如梅
拍外殼內肉俗呼靖子其性甚寒能消渴飯後食之佳
玳○爾雅云蜃小者玳部云即海中小蚌也璞江賦云玉

玳瑁月吐肉石華一名馬甲柱又名江瑤柱土人呼為殼
大頭每年三月十四十五日採之余時罕有以其為珍絕
佳味也海物異名記云江玳瑁柱狀如瑤玉肉桂膚襍
俎云玳瑁似蚌長二寸廣五寸殼中柱灸之如牛頭腦項蟬
史云玳瑁如小兒臂肉味美

馬刀

爾雅曰蛭蟻郭註云今江東呼蚌狹而長者為蟻即馬刀
也本草云一名馬蛤陶隱居云生江漢中長六七寸漢間
人呼單婁肉可食掌本草註云生江湖中細長小蚌也長
三四寸闊五六分一名蜉蝣生淡水中非海物也冠宗奭

曰馬刀京師謂之撞岸今人亦云撞岸生泥漬沙溪中行沙有跡人驗取之一種頭尖而長者名金尖刀亦其類也

本草圖經云馬刀蚌類也

周官鶩人掌取互物互謂有介有祭祀共麋麋蜺以授醢人

蜺

本草云蜺冷無毒陳藏器曰蜺小于蛤蛭生淡泊沙水中候大風雨能以殼為翅飛

田螺

蟬吏云螺一作蝨一作麤蓋螺類最多而田螺其一也不特生于田中湖澤陂泥中亦有之形負厝銳大若田梨猶

小者如梅李其性太寒秋冬多有水蛭入蟹中須去之方可食襍記云公輸般見蟲出頭以足蹶之蟲開其戶終不可開因効之作門戶東方朔曰以管窺天以蠡測海

蛭螺

蟬史云蛭螺似田螺而小形頗銳生江河溪澗中以杭州西湖中者底脆為美生海塗者名海蛭形最小而尖肉綠色味美而香名曰香蛭以其形似釘亦名丁螺味皆太寒本草云蝸籬人食之明目陳氏曰蝸籬名蛭螺小于田螺上有稜主明目蟬史云海蛭生海塗中有人曾見其群變為蜚飛去或云海蛭能高跳丈許蓋遷其處也

海螺

蟬史云海螺甚多形狀不等有研螺有甲香螺有鸚鵡螺有珠螺有梭螺有鑽螺有刺螺有辣螺有泥螺有白螺俱生海塗中或岩石上而惟研螺為大殼內肉皆可食但無味耳

研螺○即海螺大者如斗小者如拳光潤可以研紙故名珠螺○似研螺而大瑩潔如珠故名一名鈿螺韻會云鈿螺光彩可飾鏡背色如珠母新削可成釵鈿

鸚鵡螺○異物志云鸚鵡螺狀如覆盃頭如鳥頭向其腹可為酒盃已上三種俱出廣南海上

甲香螺○一名舉螺以其如拳也一名鑽螺以其尖似鑽也灰白色生海山沙石邊其蟹可入合香南州異物志云甲香螺大者如甌面前一邊直撓長數寸圍殼疽蛄有刺其蟹襍衆香燒之益芳獨燒則臭一名流螺本草云形如小兒拳青黃色長四五寸廣州記云甲香若龜蟹之類南人食之一名香螺或云蟹白而香

鑽螺○似甲香而頂銳如鑽大者夜有光

梭螺○海螺如梭者又名梭尾螺今釋輩所吹者是也

刺螺○形似甲香而黑色每層稜上有毛刺

辣螺○味辛故名一名蓼螺群玉云蓼螺味辛如蓼

劍螺○海螺似劍者

班螺○群玉云又名紫其螺紫色有班文

螭螺○陳棣器曰螭螺形小而有稜至雞死在泥不在水
誤泥在壁中三十年尤活能伏氣飲露此非海中螺見于此

白螺○形似田螺而白色生海塗中

泥螺○俗呼土鉄寧波府志云土鉄生海塗中酷似蝸螺
而畧大殼薄無稜曰五月生于泥中人取而醃之其肉有
涎如涕浙人重之秋取者味不美矣

肘子○寧波府志云肘子口似寄居螺而底無旋繞如尖
底小酒盞螺之類中有肉上有鱗齊屎皆在尖尖有小竅

肉可為饌俗呼殼為胭脂殼以其可以盛胭脂也

蝸牛

爾雅云蚶羸螭蚶註云即蝸牛也孫炎正義以為蝸牛負螺而行因以名之古今註云蝸牛陵螺也形似蝓蚶殼似小螺熱則自懸于葉下好居下濕墻壁畔野人為負舍如蝸牛之殼故曰蝸舍又曰蝸居言其窄也

聞見錄云陰濕之下虫多蚶羸每循墻上升掉首弓腰盤礴委曲搢搢矻矻必求前進未半途則沫涎窮精潰力竭畢竟粘壁而枯羅氏曰蝸似小羸白色生池澤草木間頭有兩角故以牛名行則出驚則縮首尾俱能藏入殼中

盛夏日出則自懸樹葉下

蟬史云蝸牛即蛻蟬也無殼者謂之蛻蟬有殼者謂之蛻蟬狀如小螺常負殼而行驚則縮入殼中如螺閉戶其肉中醢故內則之蝸醢是也頭有四角故曰牛俗傳蝸涎規蠍蠍每披蝸牛所食先以涎畫地規之蠍不能去在水者名水蝸牛俗呼鬼蛻螺乃水沫所化也或云蜈蚣經蝸涎足脫而死

寶

埤雅曰貝中肉如科斗而有首尾以其背用故謂之貝貝背也相貝有經爾雅曰貝居陸賤在水者蛻其水陸異大者

鮐音大傳曰大貝如車小者鮐今細貝亦有紫玄貝貽貝

黑色貝也汲冢周餘貳黃白文以黃為質餘泉白黃文以

為質黃蚶博而類廣兩頭銳蚶大而險險者謂貽小而橢

謂即上小貝橢交州記云大貝出日南如酒杯小貝貝齒也

潔白如魚齒故名貝齒畫家用以研紙東方朔曰齒如編

貝陸氏曰貝之類極多古人以為寶貨而紫貝尤為世所

寶紫貝紫為質黑為文點今世多賤之小者名貝齒可以飾軍容服

物本草圖經云儋耳黎蠻及雲南人取以貨易市物

汲冢周書曰共人玄貝註云共人吳越之蠻也玄貝照貝

也周成王時言共說文曰貝海介虫也六韜曰文王囚羑

聖散宜生得大貝如車渠百朋以獻得免樂書曰南蠻國
出梵貝吹以助梵樂音大可容數斗陸佃曰古者貨貝而
寶龜周有帛布之名至秦廢貝行錢詩曰五貝為朋漢食
貨志云大貝牝貝公貝小貝不成貝此五種其中以相與
為朋非總五貝為一朋也蓋獸二為友貝二為朋詩云錫
我百朋言錫貝之多也書曰厥篚織貝又曰文貝仍九詩
曰萋兮斐兮成是貝錦錦六如貝謂之貝錦

石決明

草木子曰石決明海中大螺也生南海崖石上泗水取之
采其不知用力一撈則得苟其知覺雖斧鑿亦不脫矣

圖經云石決明生南海或以為紫貝或以為鰻魚甲

按紫貝即

今研螺古人用為貨幣者殆非此類石決明大如手小如指海人散其肉取其殼漬水洗眼七孔九孔者良能治目故曰決明

海縹筐○蟬史云石決明之類也但決明堅而此物殼甚脆易碎背多癰瘰如蟾皮蒼黑色中有肉兩頭軟麤出其肉兩頭穿小兒取其殼為戲其形負而稍匾如縹筐然故曰海縹筐

活東○本草云活東出萊州形負長似大腹賓榔兩頭有孔疑即此物也

珂○蟬史云珂貝類也大如鰻皮黃黑而骨白堪為馬飾

生南海唐張嘉貞里曰鳴珂里者古所以為佩故曰鳴珂
雷公曰珂須冬採得色白膩者并有白旋水文乃佳

螞

蟬史云螞一名蟻附物而生硯礪相連故名螞房初生海
邊如拳石四面漸長有一二丈者巔岩如山每一房內有
一肉肉之大小隨房所生大者如馬蹄小房如人指每潮
來諸房皆開有小虫入則合之以充腹海人取之皆鑿房
挑取其肉其肉如蜆肉而大俗傳螞房左頤為壯右頤為
牝襟姐云牡螞言牡非謂雄也或云以尖頭為左頤大抵
以大者為貴十一月採左頤者入藥令人食之細肌膚美

顏色海族之可貴者也又云介蟲惟牡蠣是鹹水結成也
陶隱居曰牡蠣皆以口向上腹向南視之口邪向東則是
牡蠣而非牝也或云是百年鵬所化寧波志云一名蠔山
奉化鮫埼海岩生者僅如人指面挑取肉謂之梅花蠣扈
竹上結成者謂之竹蠣

蟻○蟬史云蟻生海中石上或扈竹上蠣蜃之屬也形如
蠣房小孔中又有一小殼

蜃○蟬史云蜃殼如決明一邊着石一邊開合于海潮中
其殼充明可愛

蛙○蟬史云蛙一名石蛙形如龜脚故又名龜脚群玉云

東海有紫蛙南越志云石蛙生石上形如龜脚得春雨則
生紫綠色首如指爪下有柱着石上柱間有肉可食一名
渠脚或云石蛙即石華石華是石上所生草如海苔之類
乃石蛙所吐肉也



諸虫類

蠶一作

埤雅曰蠶陽物也惡水濕蠶與桑同生于三月故曰春蠶
再蠶謂之原蠶一名魏蠶俗呼夏蠶先王之法禁烏淮南
子曰原蠶再登非不利也然王者之法禁之為其殘葉也
蠶與馬同氣今蠶背負馬足跡是亦一驗蓋物莫能兩大
禁原蠶者又為其害馬也殘葉害馬是以禁之自世教衰

先王之法不行民間至有三蚕者無惟桑弱而馬耗也
蟬史云世傳蚕乃馬化故背負馬跡蛻殼時頭如馬今
人祭馬頭娘名馬面菩薩即其神也鄭氏曰蚕為龍精月
直大火則浴其種今人以鹽水沃其種謂之醢蚕其蚕為
上不浴者名曰火蚕次之繭者黃白二色綠色者亦有之
爾雅曰蠋桑繭雖由樗繭棘繭藥繭蛻繭繭部註云皆蚕
類蓋因所食之葉而異其名也

埤雅云按爾雅什蟲云蠶羅也什草云莪蘿也蓋蠶所以
生蚕莪亦所以覆而出之此象亦謂之羅與又曰繭生蠶
蛾生如博物志曰食葉者有緒而蠶凡蠶類先孕而後交

蓋蛹者蚕之所化蛾者蛹之所化荀子曰蛹以為母蚕以
為父是也蛹一名蜾蠃一名羅孫炎云蜾即雄蛹即雌羅
即雄蛾即雌

蟬史云蜚如小蝶有翼而不飛兩眉如画故詩云螭首蜚
眉曾子固詩云美人座上揚雙蛾

按蚕書云柘葉飼蚕其絲作琴瑟弦清鳴響亮過千几絲
又曰飼蚕勿用雨露濕葉蓋蚕性惡濕故礼云桑于公桑
風戾以食之也今俗飼蚕以葉洒之飲其勻厚故古者王
親耕三推而止王后親蚕三洒而止蓋蚕所吐為忽十忽
為絲五絲為緇十絲為升二十絲為絨四十絲為紀八十

絲為總詩云素絲五絢又曰五經其絲其數蓋如此太玄
曰紅○蚕綠于枯桑其繭不黃蓋蚕足于葉三俯三起二十
七日而蚕已老則紅故謂之紅蚕蚕以繭自衣亦謂之室
焦貢易林云飢蚕作室是也蚕俯曰眠眠時不食桑柘經
一晝夜而蛻殼蚕有三眠者有四眠者

寇宗奭曰耳蚕名原蚕原蚕者原獲敏捷之義也本草云
蚕屎名蚕沙蚕眠所退殼名蚕褪又名蚕退拾遺記曰負
嶠山有冰蚕長七十黑色有鱗角以霜雪覆之作蠶長一
尺織為文錦入水不濡入火不燎

雲笈七籤云黃帝元妃西陵氏始養蚕為絲禮記皇妃祭

先蚕西陵氏也漢儀云春桑生皇后親桑于苑中蚕室養
蚕于薄以中牢羊豕祠蚕神曰苑萊婦人寓氏公主凡一
神也通典云先蚕天駟也馬天駟草木子曰佛氏以胎如濕
化四者窮推萬類之生生又以有無色想窮推萬類之情
識蓋有色是牝牡之屬鳩鴿是也無色是無雌雄之屬螺
蚌是也若有想是為蚕為蛾是也若無想是為蛹為蟻是
也又云食葉者有絲食土者不息無角者膏而先所有角
者脂而先沒又云蚕食礬石而肥鼠食礬石而死
淮南子曰蚕食而不飲蟬飲而不食蜉蝣不食不飲

蠋

爾雅曰蜺鳥蠋埤雅曰蠋大如指一名蜺詩云條草金厄
金取其堅厄取其完也又曰蛸蛸者蠋然在桑野言蠋以
然自聚又久在桑野雖獨而已然能自營也完矣

蟬史曰蠋野蚕也亦能成蠶其種甚多有在桑者名桑蚕
有食樗葉者名雒由有食蕭葉者名蛸又有在棘者在藥
者皆類蚕而能蠶

金蚕○燕閒錄云南方蓄金蚕食以蠋錦取其糞能毒人
能致他財但遺之極難

蛸蛸

爾雅云蛸蛸也郭註云今蛸蛸也一名蛸蛸方言曰蛸

蛾謂之𧈧𧈧埤雅曰𧈧𧈧屈伸虫也一名𧈧𧈧又名𧈧𧈧
一名𧈧𧈧易曰尺𧈧之屈以求伸也言以屈道致伸漢志
云尺者𧈧也𧈧之義蓋取諸尺蠖之義蓋取諸引引者伸
也𧈧子尺伸子引今人布指求尺一縮一伸如𧈧之步元
桑子曰夫俗隨國政之方有猶尺𧈧之於桑也食黃則身
黃食蒼則身蒼𧈧𧈧似𧈧蠋食葉吐絲作室舊說𧈧𧈧之
蠋化而為𧈧猶𧈧蛹之變蛾耳

蟬史云𧈧𧈧野蠋也一屈一伸而行在桑者名桑蠋亦名
蠋或云蠋大而𧈧小蠋行如蠋而𧈧則屈伸也

石蚕○冠宗與云石蚕解結氣附生于水中石上作絲蠋

如釵股長寸許以蔽其身色如泥蚕在其中

海蚕○南州記云海蚕生南海山石間其蚕形大如拇指其砂甚白如玉粉狀有痕節

石蠹虫○本草拾遺云伊洛間水底石下有虫如蚕解放絲連綴小石如蠶春夏羽化作小蛾水上飛一名石下新婦

芋蚕○蟬史云芋蚕生于芋食芋葉身青與芋葉同色絕類蚕而大老則化螳螂每被蛙黿所食俗呼芋苻荷虫青虫○蟬史云青虫青色而比蚕小食禾葉害稼之虫也
小卷禾葉作房食葉盡及秋後則化為蛹十日則蛻為蟲

矣一名蚤母虫或云能化蜻蜓

蝥蜋

爾雅云蝥蝥郭註云蝥屬也今青州呼蝥為蝥蜋孫註云八角蝥虫本草云蝥蜋蝥虫也江東呼楊刺蟲刺當指陶隱居曰此虫多在石榴樹上俗呼蝥虫其背毛蝥人作房如雀子大又似巴莖名曰雀癭又名棘岡一名躁舍一名天漿子即蝥蜋房也唐本註云蝥蜋紫白間斑狀似車渠文羅氏曰蝥虫身扁綠色似蚤而短背有毒毛常在葉背不知者輒遭其毒老則吐沫自累久漸堅凝如巴莖大紫白間理謂之蝥蜋房又名雀兒飯甕言雀所喜食也

蟬史云蛄蜥逢小暑而生大暑則成房而蟄至次年四月化為飛蛾黑斑色似蚕蛾而小生於木葉上即化蛄蜥蛄蜥食樹葉盡方老而作房

蟠○爾雅云蟠毛蠹註云即戴也亦名蛇蛭蟬史云又名毛虫黑色形似蛄蜥毛蟄人有毒又名毛刺虫在山林間者大而斑色在籬落者小而黑色在屋瓦上者極小名瓦刺皆蛄蜥類也

恙○一作蚤風俗通云恙毒虫喜傷人古人草居露宿必相問勞曰無恙否或云恙虫入腹食人心

蛄蜥○蟬史云蛄蜥一名蟪蛄南越志云蛄蜥一頭尾有

數條長二三尺左右有祁狀如蚕可食

天蛇

草木子曰度古似書帶色類蚓長二尺餘首如鍤背上有黑黃欄稍觸則斷常趁蚯蚓不敢動乃上蚓掩之不久蚓化惟腹泥如涎有毒俗呼土蠱本草云土蠱如一條衣帶長四五寸身扁如韭葉背上有黃黑欄頭如鍤子行處有白涎襍俎云雷蜺大如蚓以物觸之乃蹙縮負轉若鞠良久引首鞠形漸小復如蚓焉

蜈蚣

埤雅云蜈蚣一名蜈蚣爾雅云蒺藜蜈蚣廣雅曰蜈蚣蜈

蛇性能制蛇卒見大蛇便緣而咬其腦淮南子曰騰蛇遊
霧而殆于螂蛆莊子曰螂蛆甘帶是也三教珠英云蜈蚣
見蛇能以氣禁之蓋土豚水故螂蛆搏蛇舊說蟾蜍食螂
蛆蛆食蛇蛇食蟾蜍三物相值莫敢先動

蚰蜒

陶隱居云此物狀似蜈蚣而甚長細而黃鷄食之醉悶至
死方言曰蚰蜒自關而東謂之蟪蜎或謂之入耳或謂之
蜎蟪趙魏之間謂之蚘蚘北燕謂之蛆蜎爾雅云蟪蜎入
耳註云蚰蜒也

蟪史云蚰蜒呼百脚去似蜈蚣而高脚似馬陸而扁身蓋

蜈蚣脚短而馬陸負身也色正黃大者如釵股其足無數此虫好脂油香能入人耳及諸竅中以麝乳灌之化為水

蛭蝮

本草云蛭蝮似小蜈蚣青黑色長足能溺人影一名蠅蝮一種山蛭蝮其溺尤猛令人發瘡如熱沸而大繞腰匝不可療汪機云蛭蝮長一寸身有毛如毫毛長五六分脚多而甚細居屋壁間遇人影輒尿之尿著即生瘡如短狐之溺影也葉子奇曰蠅蝮短狐踏影盡皆中人古人避影為此造化權輿曰短狐射氣蛭蝮溺影周官凡隙屋除其蛭虫貍虫蠅蝮之屬埤雅云蛭蝮言搜而去之也亦言求

而去之也故字从求从攷

蛭

爾雅曰蛭馬蛭註疏云俗呼馬蛭蕪恭曰馬蛭大如細筆
管長三四寸斑色一如蚰蜒又名刀環虫方言曰馬蛭北
燕謂之蛆渠其大者謂之馬蚰音逐

蟬史云蛭一名蛆渠一名馬蚰一名馬蛭一名蛭一名縹
骨虫以其形似縹骨也一名百節虫一名刀環虫一名商
距莊子所謂使蚊負山商距馳河言勢不能也一名馬軸
一名馬陸身如槎節節有細縻紋起紫黑色光潤百足死
即側臥如刀環故名刀環虫長二三寸有粗如小指者

魏志云百足之虫至死不僵此虫寸寸斷之亦便寸行魯仲連云百足之虫三斷不蹶則其所恃者衆也莊子云夔憐蚺蚺憐蛇言夔以少而羨多蚺以有而羨無蓋蛇無足亦是夔一足亦是蚺百足亦是豈容歆羨于其間哉草木子曰夔一足也人兩足也馬四足也蜘蛛六足也螃蟹八足也蜘蛛四十足也蛇百足也蛇無足無者不資于多而後行多者不見其多而反遲于行故曰惟虫能虫惟虫能云

山蛭○陳藏器云山蛭虫大毒烏斑色長二三寸生林間如百足而大更有大者亦名馬陸夏月能登木群吟冬則

方言曰蠨蛸謂之蠨或謂之蠨蛸或謂之蠨蛸郭註云或呼當齊或呼地蚕或呼蠨蛸蟬史云地蚕另是一種乃蜈蚣也身小而輕若蠨蛸身大而肥蚕蛸白色與木蝎相類俗呼土鼓虫本草拾遺云蠨蛸身短背有毛節逢秋為蟬飛空飲露草木子云蠨蛸土族也故土居而土食

蠨蛸

爾雅云蠨蛸蝎郭註云蠨蛸在木中桑蠨是也又云蝎蛸蛸註云木中蠨也諸木中皆有之方言曰閩東謂之蠨蛸梁益之間謂之蛸又謂之蝎本草拾遺曰蝎狀如蠨蛸在木中食木心穿如錐刀一名蠨身長足短口黑無毛節身

正白色至春羽化為天牛

埤雅曰蝻蟥一名蝻蜋倭屈曲貌以形舉也詩曰領如蝻
蟥此虫内外潔白肥臆故詩以况莊姜之領七辨曰蝻蟥
之領阿那宜頤化書曰燥濕相育不母而生蝻蟥即木中
蠹虫曹子建曰昔三苗共工驩兜非堯之蝻蟥齊之諸田
晉之六卿魯之三桓非諸侯之蝻蟥柳子厚曰木朽而蝻
中草腐而螢飛列子曰身之有慾如樹之有蝻蝻盡則木
朽慾熾則身亡

蟬史云蝻者木蠹也核李林檎枇杷榲桲多久則化天牛
天牛復生子為蠹惟桑虫挑蠹桐蠹入藥而桐蠹難得陸

龜蒙云橘之蠹大如小指首肩特角身壓然類蟻而青翳葉仰齧飢蚕之速不相上下人或根蝕之輒舊角而怒氣色桀驁一旦視之凝然弗食弗動明日復往則蛻為蝴蝶也

桂蠹○陳藏器云桂蠹味辛可食桑蠹去氣飛蠹辟鬼皆隨所出而各有功桑蠹又治小兒疳瀉

蚌○爾雅云蛞蝓強犂郭氏曰今米穀中蠹小黑虫建平人呼蚌子俗呼殼狗方言曰蛞蝓謂之強蚌郭氏曰米中小黑甲虫也江東人名曰蜆

蚌蠹○蟬史云蚌蠹人家屋中蠹也似螳而大正白色

蝕梁棟如鋸開薄片層層可揭最畏土蠶及鴿鳥蓋其氣相制耳夏日南風起時則悉脫殼生翅如蠶飛出周礼剪氏掌除蠹物以攻榮攻之以莽草熏之凡庶蠹之事又赤友事掌除墻屋蠹以蜃灰攻之以灰洒毒之凡隙屋除其蛆虫

柘蠹○陶隱居云柘蠹虫糞破血唐糖偽者以柘虫屎為之唐糖燒之香而此則不香也

蘆虫○本草云蘆虫治小兒飲乳吐逆狀如小蚕

蓼虫○蟬史云蓼虫生蓼枝中黃身黑背作羊羶氣小虫也似螟

蜀○說文云蜀葵中虫也篆作蜀象其形也

蟬

爾雅云蟬白魚郭註云衣書中蠹虫一名炳魚是也一名衣魚一名辟魚魚豢典畧云芸香辟蠹魚蠹魚蟬也冠宗與曰衣魚久不動帛中有之不若故紙中多也既老則身粉手摘之即落其形稍似魚其尾又分兩岐亦蠶蠹衣

蟻一作蠹

爾雅註疏云蚍蜉大蟻俗呼為馬蚍蜉小者蟻俗呼為蟻蟻蟻打蟻赤駁蚍蜉也蜚飛蟻有翅者其斗曰蚍蜉蟻如也夏小正云玄駒負玄駒也者蟻也古今註云河內人見

馬殺十萬騎皆死于黍往來從朝至暮家人以火燒之
皆成蚊蚋馬皆成大蟻故蚊曰黍民蟻曰玄駒也

埤雅曰壯子曰道在螻蟻蟻有君臣之義故字从義喜羣
閉閉輒酣戰不解有行伍隊列元微之曰巴蟻涼而善散
故化書曰螻蟻之有君也一拳之宮與衆處之一粒之食
與衆蓄之一罪無疑與衆戮之楊雄曰蟻齊魯之間謂之
蚋螻梁益之間謂之玄駒燕謂之蛾蟬郭方言註云建平
人呼螻為蚋

埤雅曰蟻知天將雨則出而墾土成峯鶴鳥亦長鳴而喜
故詩曰鵲鳴于垤垤即螻蟻也又名蟻封螻取小虫入穴

輒壞垤室穴蓋防其逸亦以室而易林所謂蟻封其穴大
雨將至是也傳曰蟻封盤馬孟子曰太山之丘垤趙岐
註曰垤蟻封也漢書云巢居知風穴居知雨劉子曰天將
風也而鳩鳴將雨也寸雲未布而蟻封移矣

格物論曰蟻穴居郊生有黑白黃赤之異在山者大而臭
名馬蟻蟬以潮候而排街蟻以雨至而酣戰附羶趣穢頃
刻羣集埤雅又云蟻慕羊肉羊肉羶也舜有羶百姓悅之
禮記註云熬者煎穀也設于棺槨所以威蚍蜉也使不至
棺也又曰得時則蟻行失時則蟻起蟻行遶遶有序需而
不速君子得時其處于進有如此

疥

蟬史云疥蠹人蟲也在身者色白在髮者色黑故曰疥處
頭而黑麝食栢而香蒸性染身莫不相應牛有牛疥而狗
豕雞鵝俱有之昔宋道君北狩五國城衣上見疥呼為毳
毳虫以其形類之也說文云疥蠹人細虫其子曰蟻或云
疥最忌水銀銀硃以二物煮之絕跡抱朴子曰頭疥着身
皆稍變而白身疥處頭皆漸化而黑按今二疥未嘗互處
人各安其上也
本草會編云人將死疥漸離身取疥于床前卜之疥行白
病者皆死

牛疥○醫家取水牛疥灸頭背瘡

猫蟲○陶弘景曰百部根主去蟲煮湯洗之猫蟲即去
狗蟲○韓詩云胡麻撮狗蟲蓋以胡麻似狗蟲也

承蟲○徐無鬼篇云需需者承蟲也擇虱蠹自以為廣宮
大牖奎蹄曲隈乳間股腠自以為安室利處不知屠者一
旦鼓臂布草操烟火而已與承俱焦也

馬蟲○淮南子曰牛馬之氣蒸生虻蟲氣蒸不能生牛
馬小不能生大故也

雞蟲○極細雞見人呼為雞翁虫伏雞夏月多有之
鶩蟲○似人蟲而大身長色白

魚蟲○大小不等生水中能鑽食魚肉魚腮中似人蟲而

大仲夏多化螻蛄或化蜻蛉者有之一名水蠱

竹蠱○如人蠱而白色多生苑紫竹上其屎成團如粟針懸竹籬間人取而洗淨烹而食之甚益人

沙蠱○潭表等州有沙蠱即毒蟲鱗甲中蠱入沙中人浴中之如針孔粟粒不得術士禁之剝去肉即死一名蜋蠃

蚤

蟬史云蚤齧人細蚤也黑色善跳俗云蚤生汗垢蚤生積灰亦有雌雄雄者小雌者大俗呼為疙蚤或曰布谷鳥所吐每吐一二斗如蚊母之吐蚊也故三月蚤多至四五月差蚤一種身扁而臭不能跳善齧人名曰交蚤又名扁蚤

京師呼辟佗虫聞見錄云以芸香置書帙中即無蠹置席下即去蚤南人呼為十里香小水子曰蚤蟲至微也天地生之以食人

白蠟蟲

本草會編云白臘虫食冬青樹汁久而化為白脂粉數樹枝人謂虫身著樹而然至秋刮取以水煮溶濾置冷水中則凝聚成塊矣碎之文理如石膏而瑩徹和油灌燭大勝蜜蠟虫有不變蠟者則結苞樹枝初如黍米漸大則負如鷄頭青紫色宛若樹之結實也形類雀甕土人呼為蠟種來年春深則苞析而虫出延樹若欲廣蓄候苞將析時連

枝折取繫置他樹則虫亦應候而出其虫類蟻雖有黑白
二種蟬史云白蟻虫冬青樹及水橘樹皆可蓄之衢寧紹
皆有之土人有取苞而賣者謂之賣蟻其脂實非其糞乃
氣蒸而然也絕類竹蟲糞此蓋稟收飲堅凝之氣外科之
要藥也

蜂一作金

爾雅云蜂醜螫螫垂腹也蜂一名蠱其字象形譚雅云蜂
類聚多動以萬計故借為千萬之萬抱朴子曰鷄有專棲
之雄雉有擅澤之驕蟻有燕弱之智蜂有攻寡之計
埤雅曰蜂有兩衙應潮其主之所在衆蜂旋繞衛之誅罰

懲令絕敵有君臣之義化書曰蜂有君禮也其毒在尾垂
穎如鋒故謂之蜂傳云蜂最垂芒此之謂也詩曰莫予
荇蟄自求辛蟄并使也并蜂使人為辛蟄之譬也言蜂善辛
蟄藏精蓄毒雖小不可不慎採取百芳釀蜜其房如脾今
謂之蜜脾其王之所居疊積如臺語曰蜂臺蟻樓言蜂居
如臺蟻居如樓也一名蠟蜂又名蜜蜂蠟生于蜜天下之
味莫甘如蜜莫淡于蠟蓋厚于此者必薄于彼理之固然
也西方之書曰味如嚼蠟傳云蜂之化蜜必取匿諸之水
注之蠟房而後蜜成故謂之蠟者蜜之匿也方書云其大
而安謂之壺蜂即今黑蜂專能釀蜜而不採芳者楚詞所

謂赤蟻若象玄蜂如壺者也

鶴林玉露曰蜂交則黃退蝶交則粉退陰陽自然變化論云蜂無王而盡死二王而即分近峯聞畧曰蜂採百花俱置翅間朕間惟蘭花則拱背入房以獻于王物亦知蘭之貴如此陳藏器云諸飛虫看蜘蛛之網皆不能脫惟蜂不畏反擒蜘蛛而食之

格物論曰蜜蜂三種一種在林木上作房一種在人家作窠其蜂甚小微黃蜜皆濃美一種黑色在崖岩高峻之處其窠名石蜜又名崖蜜蜂小者者最大一名蟪蠱尾能蟻蟪史曰蜜蜂朝夕徘徊于花間朝衙畢方出採花供

供課晚衙畢則入房每歲三四月則生黑色蜂名曰將蜂
又名相蜂蜂王乃相蜂所生也相蜂不能採花但能釀蜜
蓋無此蜂則不能成蜜至七八月間相蜂盡死相蜂如不
死則群蜂告飢矣俗云相蜂過冬蜂族必空蜂王大如小
指不贅人如有二王則分處矣今蜂之時多老王遜位而
出所分之蜂均繫其半未嘗多寡從王而出者未嘗復回
飛止必環衛蜂王皆有隊伍行列採花時一半守房一半
依次撥糞花少受罰野草花開時蝦蟆所掠蛛蝥所粘者
什去其三每一百蜂往止有七十四房如菜花盛時什去
其一二耳列子曰蜂純雌其名雅蜂

嶺表錄異云宣人取蜂子法大蜂結房于山林間大如巨鐘其中數百層土人採時須以草衣蔽体以捍其毒螫後以烟火熏散蜂母乃敢攀緣崖木斷其蒂一房蜂子五六斗至一石者有之以鹽炒寄至京洛以為方物蓋猼猁類也雷公云凡醫家使其窠有四件一曰黃蜂窠大者長一丈二丈圍在大樹脚者內窠小隔六百二十箇圍大者有一千二百四十個蜂其窠粘木蒂是七姑木汁蓋其糞汁隔是葉蕊二曰石蜂窠只在人家屋上大小如拳黑蒼色有青色蜂二十一個不然只有十四個粘處是七姑木汁蓋是石垢隔是以蛭次三曰獨蜂窠大小只如鷺卵蒼黃

色只有一個蜂大如小石燕子許人馬遭螫者立亡四曰
草蜂窠

本草圖經云蜜非一種宣州有黃連蜜雍洛有梨花蜜毫
州有太清宮檜花蜜南京板城縣有何首烏蜜凡蜂作窠
以醇方能成蜜始
人作始用麥雜也

蜜蜂○即人家所養之蜂也山間亦有之其子未化頭足
如蛹服之令人好顏色

土蜂○穴居黃黑色螫馬人立死荆巴之間呼為煙冷江
浙土蜂多在山中木上作房其房如大耗螫人立死
黃蜂○亦在木上或屋上作房房如覆杯而小即微蜂

也埤雅云黃蜂無蜜織長細腰其窠仰綴于屋簷含漆以固其蒂陰陽在尾喜合末端有岐者牝銳者牡也

沙蜂○似土蜂而小黃蜂而大冬在人家屋上作房大者如甕小者如斗如壺毒亞于土蜂

牛舌峰○小而色淡黃窠長六七寸至一尺者濶二三寸多在叢水僻野之間

玄脈蜂○色赤黃大于諸蜂或在高木上或屋簷上作窠如三四斗許小者亦一二斗中有窠如瓢之狀故曰玄脈或云懸瓢又曰懸壺

赤翅蜂○本草云赤翅蜂出嶺南如土蜂翅赤頭黑穿土

為窠大如螳螂食蜘蛛蜘蛛知蜂來皆狼狽藏匿蜂亦預知其處相食無遺

獨脚蜂○本草云獨脚蜂似小蜂黑色一是連樹根不得去不能動搖亦出嶺南又有獨脚蟻亦與此蜂同也

竹蜜蜂○陳旼云蜀中有竹蜜蜂好于野竹上結窠大如雞子有蒂長尺許窠與蜜並紺色可愛甘倍于常蜜

穿木蜂○郭璞云穿木蜂黑色似土蜂而大在人家簷椽上穿穴如刀錐所鑿如螫人

天社蟲○本草云天社虫味甘無毒主絕孕益氣如蜂大腰食草木三月採之

螻蛄
蟬

爾雅云果臝蒲蘆卽註云卽細腰蜂也俗呼螻蛄方言曰
螻蛄或謂蚘蛭雅曰螻蛄一名果臝卽今細腰蜂好禁
蜘蛛說文曰天地之性細腰純雄無子列子曰純雄其名
釋蜂蓋其類也槌泥作房如併竹管取桑虫負之七日而
化為子其祝聲可聽法言曰螻蛄之子殪而逢果臝祝之
曰類我類我蓋其音云也詩曰螻蛄有子果臝負之莊子
曰細腰者化果臝一名蒲蘆陶隱居云黑色或綠色腰甚
細含泥于膝及器物邊作房如並竹管是也其生子如粟
米大置其中及捕取草上青蜘蛛十餘枚放滿于中仍塞

口以擬其子大為糧也一種入蘆管中亦取草上青虫而
養其子詩之所云乃為謬矣雜俎云書齋中多螻蛄好窠
於書卷中或筆管中祝聲可聽有時開卷視之悲是小蜘蛛
大似蠅虎旋以泥隔之乃知不特負巢虫也事林類聚
云嘗觀果蠃所負不但螟蛉或取蟪蛄子磔而斃之因產一
小卵于上俟其知化而成形漸食所負之虫久而寢大生
翼飛出古人類我之說或有他據耳

本草圖經云物類变化固不可度蚱蜢生于轉丸衣魚生
于瓜子龜生于蛇蛤生于雀白鵝之相視負蝨之相應其
類非一若桑虫蜘蛛之變為蜂不為異矣如陶氏所說如

如粟者未必非祝虫而成之者也

爾雅云螟蛉桑虫郭註云俗呼為桑蠋一名戎女即負蝨
所生之子也青色如蠟果麻含置房中吮成已子陸機詩
疏云螟蛉桑上青虫似蚺蚺羸負之宋齊丘曰蜚蠊之
虫孕螟蛉之子傳其情交其精混其氣和其神隨物大小
俱得其真蠢動無定情萬物無定形按果羸負虫成子之
見則陶說亦是有理余嘗見其所負桑虫多有死者焉有
死者而復可活之也又見果羸以微軀能生擒八脚蜚子
及蜘蛛群鏡之屬蓋所以資口腹也豈俱能化子哉

二

說文云大者曰蠱小者曰蜚通作蠱蟬史云蠱目盲故从

蚩乃青虫所變者有木蚩乃榆葉中所產者似蠅而大俗
呼舍命王又名牛蜂舍命王蜂蠆之最大者也埤雅云蠆
民蟲蚩亡蟲言為田牧者病也史記云愛牛者搏其蚩或
云木蚩無子一名龜常

本草圖經云蚩有數種皆能啖牛馬血木蚩最大而綠色
或若蠅蚩今呼為玉蚩蚩蚩狀如蜜蜂黃蚩醫家所謂蚩
虫是也又一種小蚩名鹿蚩大如蠅啞牛馬血亦猛陳藏
器曰木蚩多從榆葉上出卷葉如子形負著葉上破中而
出初如白蛆漸大羽化折破便飛即能嚙物如古度花生
蟻耳又云蚩毋草生塞北葉卷如雲中有血虫羽化為蚩

便能咬人草葉如葵人馬山行取其葉和桂杵為末傳之
無復害來

蠅

方言曰蠅東晉謂之羊部註云此亦語轉耳埤雅云蠅好
交其前足有絞繩之象故蠅之為字从蠅準生于隼繩生
于蠅其義一也其後足搖翅自扇故爾雅云蠅醜扇

埤雅又云青蠅亂色蒼蠅亂聲傳云以水致蠅蓋蠅逐臭
者懷蛆紫利常喜煖而惡寒故遇水輒側翅遠引所謂夏
中蠅不可語水者也類從云蠅生于灰蓋蠅值水溺死置
灰中即活淮南子以為爛灰生蠅正謂此也詩曰匪難之

鳴蒼蠅之聲又曰營營青蠅止于樊愷悌君子無信讒言
又曰營營青蠅止于棘讒人罔極交亂四國又曰營營青
蠅止于榛讒人罔極構我二人蓋以青蠅比讒人也語云
狗苟蠅營蠅之終日營營如小人之無休息也又曰蒼蠅
聲雄壯青蠅聲清聒其聲皆在翼青者能敗物巨者頭如
火雖玉猶不免所謂蠅糞點玉是也青蠅一名景蹤

蟬史云青蠅乃糞蛆所化蒼蠅乃灰所化一種大蒼蠅名
麻蠅滿腹懷蛆最能敗味又蒼蠅多生于榆木葉開卷葉
作房久則小虫蛻為蠅或云大麻蠅芥根所化也

狗蠅○齊東野語曰狗蠅能治瘡瘡危証夏月狗極多蠅

冬月藏于狗耳中

黃蠅○山峽間多小黃蠅生于毒蛇鱗甲中醫人初不覺

頃之漸癢搔即為瘡弗搔以冷水沃之不妨出車文類聚

扁前虫○甚有毒生山陵如牛蜚翼赤其味甘出本草

雄黃虫○狀如蠟蛸主明目解兵力驅不祥

螢

古今註云螢一名暉夜一名磷一名丹良一名丹鳥一名

夜光一名宵燭鬼谷子曰螢名照夜青大戴禮云丹鳥羞

丹鳥丹良也其為之羞者重其養也凡有翼者為鳥羞也

羞者進也汲冢周書云大暑節腐草為螢腐草不為螢穀

齊鮮落月令曰季夏溫風始至腐艸為螢方氏註云腐艸之類也螢明之類也季夏腐草為螢蓋離之明極于此也本草衍義曰螢在大暑前後飛出是得火炁之氣而化故如此明照也朱氏曰溫風溫厚之極涼風嚴凝之始腐草為螢離明之極故出類化為明類也陳鼎曰腐草得暑濕之氣故化而為螢

爾雅曰螢火即焰埤雅曰螢夜飛腹下有光故字从螢武林人呼螢為流火一名撲火一名據火傳云螢戴火而寒一名熠燿詩云熠燿宵行今西北多螢大者如棗行而有光正曰宵行以此故也毛詩傳云熠燿燐也燐螢火也先

儒以為老槐生火久血為燐燐非螢火誤矣蓋燐者火之
微名故兩者通謂之燐爾雅云螢火即炤燐也古今註以
為螢食蚊蚋崇有論云鳥無胃而生螢無胃而育或云熠
熠非螢另是一種行虫今卑濕處有虫如蚕蠋尾後戴火
行而有光謂之熠熠七脩葉云腐州為螢月令古今註皆
然而米中細虫尾亦熒熒久而生翼毛詩所謂熠熠宵行
是也格物論云螢是腐草及爛竹根所化初如小虫腹下
已有光數日蛻殼能飛

蚊

一作蚤 一作蠱 一作蟬

說文云蚊蠶人飛虫也秦晉謂之螭楚謂之蚊埤雅云蚊

一作蠓以昏時出也故从昏俗云蚊有昏市蓋蠓成市于朝蚊成市于暮傳云聚蚊成雷此蚊市之謂也蚊性畏烟以艾熏之則潰又曰民蟲蚤虻田牧者病焉

蟬史云蚊似蝸而大長喙如針鑽膚取血並子曰蚊蚤噴膚通宵不寐一名白鳥大戴禮云丹鳥羞白鳥註云白鳥謂蚊蝨也一名忝民古今註云河內人見數十萬騎皆大子忝家人以火燒之人皆成蚊蝨馬皆成大螻故曰忝民蟻曰玄駒也一種名豹脚志林云湖州多蚊其中有豹脚者尤毒豹脚今班脚蚊也蚊所出不同有草中生者俗呼青草蚊生郊外有樹中生者樹葉卷如丸先生小白蛆久

則葉尤漸紅內蛆化為蚊飛出唯榆葉尤多有水中生者
溝澗中水蛭所化水虻間皆有之有園中生者廁溷中糞
蛆所化人拍之手作糞臭有鳥吐者蚊母鳥如烏鷄而大
黃白雜文鳴如鴿名曰蠅母鳥常吐一二升蚊聲在翼善
伺床帳之隙而潛入以齧人故楊子曰蚊之取利雖小而
善撓人令人寤夕不寐

蠅蠓

爾雅云蠅蠓蠓註云小蟲似蚋喜亂飛或曰即蚋也一名
督蠓一名蠓蠓以其望之如烟然列子曰蠓蠓生于朽木
之上又曰督蠓生于腐蠃即守尸也爾雅正義曰此虫

微細群飛郭璞曰蠓飛磴則天風磨則天雨言蠓旋飛如磨則天將風一上一下直春則天必雨矣然郭景純亦贊又云風春雨磴二說不同今試之當以蟲贊為是列子曰蠓因雨而生見陽而死

埤雅曰蠓小虫即蠓亂飛望之如霧荀子所謂醯酸而蠓聚也蟬史云蠓蠓俗呼蠓烟又曰蚊烟似蚊而絕小又類醯鷄荀子所謂醯酸蠓聚蓋聚者醯雞也非蠓也天陰則生日出則死有二種一種黑而太似蚊易死一種似醯鷄而小善驚人蓋蠓滅也蠓者濛也言其小而難見也鵲冠子曰一蠓嗜膚不寐至旦言物為害不必在大也

醢雞○蟬史云醢雞一名蠶生于醋甕間故曰醢雞似蟻而大如蚊而小不齧人劉師道云醢雞甕裡天言其小也列子曰醢雞生于酒垆雅曰蠶蟲之知聲知味者也故字从蠶蓋其一聞酒醋之氣味則飛聚之一聞人聲則飛散韓詩外傳云齒如編蠶蓋此物聚醢甕口次第陳布如人齒又其生子如蛹密布甕內亦如人齒俗呼蠶子或云蠶善令人不迷故字从蠶類從云帶蠶醒迷迷祠解惑是也蟬史云醋無此虫則不酸呂氏春秋曰食醢黃蚋聚之有酸爾雅云因貉蟲蠶部云今呼蛹虫為蠶說文云司馬說蠶從虫柳宗元詩曰肝蠶巫言報潘氏註云蠶蚊類蟲羣

飛而多者也

芡青○陶氏曰芡青芡花上虫也青黑色面經云形大小如班毛純青綠色背上一道黃文尖喙雷公曰芡青班猫亭長赤頭等四件形各不同所居所食亦不同芡青紫尖背上有一道黃文班猫背上一畫黃文一畫黑文紫尖處有一黑點食其葉汁亭長形黑黃在蔓葉上食汁赤頭頭上有紅一點身黑色四虫出四處芡青出寧州亭長出雍州班猫所在皆有

地膽○本草云地膽一名青蛙生汶山川各中陶氏曰地膽真者出梁州狀如大馬蟻有翼面經云二月三月八九

月草菜上有之形倍黑色芄青所化也

樗雞○埤雅云樗小虫黑身赤首一名天雞爾雅云翰天雞蓋其鳴有時故云鷄或云莎雞非也寇氏曰樗雞形類蚤蛾但頭足微黑翅兩重體重灰色下一重深紅五色皆具腹大此則樗雞也孫炎曰樗雞一種頭方腹大翅羽外青內紅而身不黑頭不赤人呼樗雞亦呼莎雞一種石樗木上者人呼紅娘子者頭翅皆赤蕪恭曰五色具者為雄青黑質白斑者為雌

班貓○本草苗經云班貓生河東川谷七八月大莖盛時此虫多在葉上長五六分甲上黃黑班文烏腹尖喙如芭

莖大吳氏曰斑猫一名斑蚝一名龍蚝一名斑菌一名勝
獎一名盤發一名異青一名龍苗一名龍尾蓋此虫性味
極烈生塗人手則生腫陶氏曰斑猫一虫五變二三月在
堯花上名堯青四五月在王不留行上名王不留行虫六
七月在葛花上即名葛上亭長八月在豇花上即名斑猫
九十月欲還地蟄即名地膽本草註云地膽出幽州堯青
出寧州亭長出雍州斑猫所在有之其虫豈一歲周四處
乎且堯青斑猫形畧相似亭長地膽大殊陶言浪耳
葛上亭長○陶氏曰亭長葛花上虫身黑而頭赤如人之
常衣赤幘故名亭長本草註云形似堯青而蒼黑色

鷦鷯○列子曰海上有蜚蜚蚊睫名曰鷦鷯離赤子羽望
之不見其形師曠聽之不聞其聲晏子曰東海有蜚蜚于
蚊睫耳飛而蚊不為驚東海有道者命之曰鷦鷯
鉄虫○草木子曰一民家一鉄鍋底下起一鉄泡捶破有
一紅蛄虫其走如飛其蛄至硬是金鉄中亦有虫也
梗雞○本草云梗雞味甘無毒

蟬史集卷之十一

樵李穆希文 纂

諸虫類

蜣螂

埤雅云蜣螂一名蜣蜋爾雅所謂蜣蜋蜣螂是也衝波傳曰蜣蜋無臭而聞香黑甲翅在甲下五六月間經營穢場之下車走糞丸一前挽之一後推之若僕人轉車久之輒羽化如尸解仙去也莊子曰蜣蜋之智在于轉丸夫以蜘蛛蜣蜋之智猶能布網轉丸則萬物付之自然各有能矣

此莊列之後所以欲擲工倭之指也抱朴子曰玄蟬索飢
不羨蜣螂穢飽故回之箴歟有以輕猗頓之富也蟬史曰
其九名土消歲在土中掘地得之正負如人檢作彌久者
佳古今註云蜣螂能以土苞糞推轉成丸負正無邪角一
名弄丸一名轉丸嵇經曰蜣螂生長沙池澤處處有之又
目高鼻暖者名胡蜣螂寇氏曰此物大小二種大者名明
蜣螂身黑光腹翼下有小黄子附母而飛行晝不出夜方
飛出至人家庭戶中見灯火則來一種小者身黑暗晝出
夜不出狐遇之必盡食之

金虫○蟬史云金虫似蜣螂而小甲下有翅能飛背負金

點其色燦然

土螫○埤雅云土螫一名蟻一名地螫一名過街言逢申
日則過街殆與鷓鴣忌庚申燕避戊己無異也本草曰土
螫生人家墻壁下土中濕處狀如鼠婦而大者寸餘形扁
如螫有鱗如甲陶隱居云此物有甲不能飛小有臭氣蟬
史云土螫本草謂之廣虫俗呼蚌虎蚌者屋蠹也此物氣
能禁蠹令蠹盡死故曰蚌虎寇宗奭曰一名簸箕虫

蛾

埤雅曰蛾一名水鏡即短狐也似螫三足一名射工含水
射人之影其瘡如疥稽聖賦所謂蛾旋于影蛾射于光是

也一名含沙一名溪毒有長角橫在口前如弩檐臨其角
端曲如上弩以氣為矢因水勢以射人故俗呼水弩春秋
書蜮所以紀異也然畏鷺鷥能食之所謂鷺飛則蜮沉鴈
鳴則蛇結詩曰為鬼為蜮則不可得言鬼無形而蜮性陰
害射人之影則皆莫可究矣五行傳云南方淫蠶之氣生
蜮蜮之為言惑也字說蠶不可得也故或之今蜮蝮溺人
影為害亦此類也

本草云射工虫出有溪毒處故曰溪毒大如雞子似蜉蝣
頭有一角長寸餘角上有四岐色黑甲下有翅能飛博物
志曰射工虫形氣射人影不治殺人羅氏曰射工長一二

寸有翼能飛口中有橫物如弩或聞人聲以氣為矢激矢以射人四月一日上弩射人影至八月却弩冬月蟄澗谷中此虫所在雪不積蓋氣蒸也

周禮壺涿氏掌除水虫以炮土之鼓毆之以樊石投之註云投使驚去也又曰若欲殺其神則以牡槀午貫象齒而沉之則其神死澗為陵今人過山溪當先以石投水使射工驚去則不射人也玄中記云江南有射工甲虫類也名水狐長四寸黑色畏蟾蜍此虫驚驚襍俎云蠼螋短狐踏影盡皆中人影為害

天牛○蟬史云天牛俗呼牽牛郎多木蠹所變似蛄蜺甲

虫也橘蠹化者名橘牛桐化者名桐牛緣木飛騰不遠久
則放子生虫食百菓林檎上尤多埤雅蝸化天牛兩角狀
如牛牛長二三寸色黑而臭背有白點長鬚有班節甲下
有翅能飛飛不甚速一名蠨襦云天牛虫黑甲虫也此
虫一出天必雨

笛師○蟬史云郭璞云黑蜂穿竹木作孔者名曰笛師俗
呼鑽竹蜂蜂如小指有黃甲甲下有翅穴竹為巢齧硬有
小岐不穿木不螫人蜜如稠糖甘滑可愛

蜃○爾雅云蜃蠃蜃郭云甲虫也大如虎頭綠色江東呼
為黃蜃抱槍襦云抱槍水虫也形如蜉蝣稍大腹下有

棘似槍如棘針螫人有毒

蜉蝣

埤雅云蜉蝣似天牛而小有四角長三四寸黃黑色甲下有翅能飛燒而散之味美于蟬翕然生覆水上尋死隨流梁宋間名曰渠畧叢生爵榑中朝生暮死有蜉蝣之義故曰蜉蝣夏小正曰蜉蝣有殷殷衆也蜉蝣殷之時也言有所見也爾雅云蜉蝣渠畧郭云似蛄蜺身狹而長有角黃黑色叢生渠土中甲下有翅小有文彩朝生暮死猶好啖之方言曰秦晉間謂之渠畧王褒云蜉蝣出以陰詩云蜉蝣之羽衣裳楚楚蜉蝣之翼采采衣服蜉蝣掘閱麻衣如

雪

溪鬼虫○汪機曰溪鬼虫取其角帶之主辟溪毒射工虫有溪毒處山林間大如鷄子似蜚蠊頭有一角長寸餘角上有四岐黑甲下有翅能飛六七月取之

吉丁虫○本草云吉丁虫甲虫也人取帶之令人夫妻相愛背綠色有翅在甲下出嶺南賓澄州又有一種名映顯虫其功用與吉丁虫同褐色身扁人皆重之

蟬

廣雅云螻蛄蛄蛄蛄蛄即蛄蟬也埤雅云螻蛄夏蟬也或云春生者死于夏夏生者死于秋故莊子曰朝菌不知晦

朔蟪蛄不知春秋離騷云蟪蛄鳴兮啾啾歲暮兮不自聊
方言曰蚋蚋齊謂之蟪鹿楚謂之蟪蛄或謂之蛉蛄或謂
之蚋蚋自關而東謂之蚋蛄或謂之蚋蛄郭註云江東人
呼為蟪蛄爾雅云蚋蛄蟪蛄郭註云即蟪蛄也一名蟪蛄
齊人呼蟪蛄聲聞數里故孔子云鹿山十豎蟪蛄之聲猶
在耳今江東人呼為蟪蛄一名蟪蛄北人謂蟪蛄曰蟪蛄
曰蟪蛄以婦人髮髻如蟪蛄之兩頰也詩云蟪蛄蟪蛄正謂
此耳此物乃以旁鳴飲露不食故稽聖賦云蟪蛄蟪蛄行以
其蟪蛄鳴非其口蟪蛄乃蟪蛄所變或云乃魚虱變未知其
是爾雅云蟪蛄蟪蛄註云蟪蛄中最大者名曰馬蟪蛄方言曰蟪蛄
大者謂之蟪蛄或謂之蟪蛄馬蟪蛄雅云蟪蛄之大者背偃而黑
禮之所謂蟪蛄有倮者是也乃復育所化復育又蟪蛄所

化也一名土蝎其生圻裂毋背論衡曰蟬生于復育開背

而出按蟬大蟬也蟬姑木蟬也蟬姑之聲斷續清亮蟬之

藥名曰蟬因禮云冠之蟬家附蟬故曰蟬冠漢官儀曰侍

中金蟬左龍名蟬冠金取堅刑百揀下蟬取其居高

清潔銘取其內勁外溫又

草木子曰蟬三十日而化

蟬雅曰蟬一名蜎其冠方廣俗呼胡蟬形如蛸螋江南謂

之蟬蜎爾雅註疏云蟬蜎者蜎江南謂之蟬俗呼胡蟬方

言曰宋衛之間謂之蟬蜎陳鄭之間謂之蜎蜎秦晉之間

謂之蟬海岱之間謂之蜎方言郭註云似蟬而小鳴聲清

亮江南呼蟬蜎齊人呼為巨蜎詩云如蜎如蟬如沸如羹

鄧陽柳賦云蜎蟬屬響蜘蛛吐然按爾雅方音蟬雅則蟬

別是

無此種陸机草木類以為
蟬即蟬姑也未有蟬姑

爾雅云蜺寒蜩節註云寒蜩也似蟬而小青色月令所謂

寒蟬鳴者是也方言曰蜺謂之寒蜩蔡邕曰鳴則天涼故

謂之寒蟬按月令立秋寒蟬鳴非也方多以為寒蟬

蟬亦誤蓋蟬蟬痛蟬也蟬姑馬蟬皆有病者陶隱居之說
可改或云蟬無蟬痛蟬姑蟬姑其耳蟬姑方理

月令曰仲夏之月蟬始鳴陶隱居曰五月不鳴蟬小兒多

天死故蟬蛻治小兒驚癇等病又曰二月中便鳴者名蟬

母似寒蜩而小又一種生蜀中脫殼頭上有角如花冠名

蟬老汲冢周書云夏至蜩始鳴蜩不鳴貴臣放逸立秋寒

蟬鳴寒蟬不鳴人皆力爭字林云蟬蟬姑也蟬蟬屬也風

土記云螻蛄鳴于朝寒蜚鳴于夕蟬史云螻蛄朝暮俱鳴
若寒蜚多夜鳴故曰鳴于夕也

埤雅云蟬飲而不食蜚食而不飲不食故蟬無屎而有屎
不飲故蜚無尿而有屎又曰蟬三十日而化蜚二十日而
化又曰蟬者為其變蛻而蟬也故曰蟬舍卑穢趣高潔不
食生物而飲風吸露其蟬足道也舊說朽木化為蟬壞裙
化為蝶腐菌化為蜂襍俎云蟬未蛻時名淩育復育化為
蟬蓋以復育冬時附于朽木處以復育固朽木所化

按蟬與蜚育而不化復育又蟬蛻所化也猶蜚
化蟬蛻化蜚也成六朽木所化之言未可信

草木子曰蜚屬卻行蜻屬紆行蜩屬旁鳴發皇翼鳴蚣蟬

股鳴榮原胃鳴蜥蜴骨鳴埤雅云兔絲無根而生蛇無足而行魚無耳而聽蟬無口而鳴文子曰飛鳥返鄉文子曰飛鳥返鄉兔走歸窟狐死首丘寒蟬翔水各依所生蓋以寒蟬乃水虫所化也

司馬遷曰蟬脫于穢濁以浮游于塵埃之外仲長統曰飛龍遺跡蟬蛻亡殼鹽鐵論曰以所不覩而信若蟬不知雪也古今註云董仲舒曰昔齊王之后怨王而妬化而為蟬蜚鳴而鳴王悔之故名蟬為齊女

紺緒○古今註云蜚虫也如蜻蛉七月群飛開天云是蜚青蚨○陳藏器曰青蚨虫生南海狀如蟬其子著木取以

塗錢皆歸本處一名蠅蝸廣雅曰青蚨也一名蠅蝸一名
蜋蝸一名魚伯襍俎云蠅蝸形如蟬其子如蝦着草葉得
其子則其母飛來搜神記云南方有虫名蜋蝸如蟬大其
子如蚕種取其子歸則母飛來雖潛取必知其處殺其母
塗錢子塗貫用錢則自還淮南子曰青蚨一名魚伯以母
血塗八十一錢以子血塗八十一錢置子用母置母用子
皆能自還名子母錢異物志云此物雌雄常不相捨是又
一說

蝶

埤雅云蛺蝶粉翅有鬚一名蛺蝶一名採花子又名野蝶

列子曰烏足之根為蟬蛸貝葉為蝴蝶胡蝶膏也嘗見園
蔬其葉有為蝶者三冬二已蝶矣其一尚葉也干室曰稻
成莖麥成快蝶段成式曰白快蝶尺蠖蚤所化也而顧非
熊親見薺柘中壞綠裙幅旋化為蝶張周封言百合花合
之泥其隙經宿化為大蝴蝶蝶化陸氏則困蔬化蝶干氏則
蝶之大小蝶色不一疑各有所化不專于腐蟲已也余又
見摘無化為天牛蚘蚘知腐蟲不專于化蝶也
蟬雅又曰蜂蝶醜皆以鬚嗅鬚蓋其鼻也今蟪蛄絡緯之
類亦以鬚當鼻耳草木子曰化生者眼無竅唯有黑點而
不能見蚤蝶之類是也古今註云快蝶大者名鳳子車格

物論云蝶一種大者如蝙蝠或黑或青或斑或褐或黃或
白江東人呼蝶為捷來俗傳大蝶必成雙乃梁山伯祝英
臺之竟又傳乃韓憑夫妻之竟皆不可曉
續古今註云龜蟹之類無雄雌蜂蝶之類無雌

飛蠶

埤雅云飛蛾喜拂灯火夜飛一名慕光似蝶而小似蚕蛾
而能飛一名文蛾符子曰不安其昧而樂其明是猶文蛾
去暗赴燈而死或云飛蛾與蠋虫為牝牡或云飛蛾乃穀
蠹或屋蠹所化夜灯管測云山鵲顧影以忘身野蛾利火
以自斃

青蛉

方言曰蜻蛉謂之蜩。○蜩○蛉○郭註云江東呼為蜩。○○蜩○蛉○古今註云
蜻蛉小而赤者名赤。○赤○卒○一名絳。○○絳○一名赤。○○赤○弁○丈人色青而
大曰蜻蛉小而黃曰蜩。○蜩○黎○陶隱居曰蜻蛉一名諸乘有赤
黑青黃不同蜩一作蜩。○蜩○雅曰蜻蛉飲露六足四翼其翅
輕薄如蜩。○蜩○盡取蚊蚋食之遇將雨轉多好集水上歛飛六
七月有之尾端亭午則亭名之曰蜩。○蜩○以此方言謂之蜩。○
淮南子又呼蜩蜩今訛為江鷄又曰蜩。

造化權輿曰水蠱為螻字說云蛉蜻蜻也動止常廷賦云
塗青蚨而還鐵埋蜻蛉而變珠說者以為五月五日取其

有正中門煙之皆成青珠類從曰青蛉之首瘞而為珠
本草會編云蜻蛉乃水蠃所化水蠃既化蜻蛉蜻蛉相交
遂於水上附物散卵出後為水蠃水蠃復化焉交相禪無
已也七脩類案云蜻蛉貼水飛時以尾蘸水中然不知點
水者乃生子也既遺水中青鮒魚食之腹脹孕虫噬母腹
而出身似彈而小名曰蝦蟇虫及蛻始為蜻蜓或云水蠃
所化或云稻田間青虫所化又一種小者似蚊虫一種最
大者京師呼為馬大頭

蟋蟀

方言曰蜻蛉楚謂之蟋蟀或謂之蛩南楚間謂之蛩孫

埤雅云陰陽率萬物以出入至于悉也帥之為悉蟋蟀能
帥陰陽之悉者也似蝗而小善跳正黑有光澤如漆一名
蜚一作蜚一名促織語云促織鳴蟋蟀嬾驚嘗蒼而為唐儉以
勤故詩一以蟋蟀一以蟋蟀刺之詩云蟋蟀在堂歲聿其
暮又曰十月蟋蟀入我床下言蟋蟀微物也猶知隨時可
以人而不如乎故曰物有微而志信人有賤而言忠也傳
云蟋蟀之虫隨陰迎陽一名吟蛩秋初生得寒則鳴
汲冢周書云小暑蟋蟀居辟蟋蟀不居辟急恒之暴
蟬史云蟋蟀形似螽斯而短小其聲曰織織又名勸織虫
四五月生莎草中飛鳴跳躍名曰莎鷄至初秋則入床下

鳴故詩曰四月莎鷄振羽七月蟋蟀入我床下朱子註云
螽斯蟋蟀莎鷄一物隨時變化而異其名者也蓋蟋蟀莎
鷄本是一物初不啻變化而螽斯自是一種安得混而為
一蟋蟀有三尾者雌也二尾者雄也吳下人取其雄而鬻
徒者馴養以聞如淮人之聞鸛鵒也或云蟋蟀之聲鳴在
股間非其口也

絡緯

爾雅云蜚蜚註云蜻似蟬而小江南謂之馬蜚又曰蜚
蜚註云江東人呼為節蜚似蟬而小青色疑即蜚也方
言曰蟬之小者謂之麥蜚有文者謂之蜻蜻其雌蜻謂之

疋即蜚也蜚類有庚音蟬蟬類今曰蟬夏夏小正曰鳴蟬史曰絡
紡繅娘一名馬蜚子一名節似繅娘而大長翼高肢初
生青色其聲蜚蜚故名蜚秋半則身老翼如螳娘數層外
蒼灰色夜鳴林木籬落上聲如縹絲聲甚清

螳娘

方言曰螳娘謂之螳或謂之螳郎註云又名螳所俗云螳
虫所化爾雅曰莫鼬螳娘郎註云螳娘有斧虫江東呼
石娘爾雅又云螳螳郎註云似天牛長角体有白點喜
蠶桑樹作孔入其中按螳娘無角無白點郎所云者爾雅

又云不過螳螂其子蜉蝣郭註云螳螂螳螂別名其子曰蜉蝣一名蜉蝣螳螂也郭又云螳螂江東呼為蜉蝣以其好齧人髮故名蜉蝣其子名桑嫫蝸

埤雅曰螳螂有斧也充人謂之拒斧其臂如斧奮之當轍不避莊子所謂猶螳螂之怒應臂以當車轍者也好捕蟬食之執木葉以自蔽蟬將去而未飛為之一前一却莊子所謂執翳而搏之見潁而忘其形是也世云螳螂所執之臂可以蔽形類從曰螳螂之氣含之生火蛭蚓之塵背洒起霧未知其審月令云螳螂生蓋是月陰始起殺虫應而生焉爾雅正義云螳螂深秋乳子至夏之初適生是也

一生百子如螽斯一名天馬有翼數重飛不甚速本草云
蜉蝣一名蝨蛄襍類云蜉蝣名野狐臭蛄本草云桑蜉蝣
生桑枝上螳螂子也二三月採燕之螳螂逢木便產一枚
出子百數多在小木荆棘間並螳螂卵也
汲冢周書云芒種之日螳螂生螳螂不生是為陰息

一螽
一作

埤雅云螽一名春黍亦謂之春箕螽類也青色長股以股
鳴或云似蝗而小股黑有文五月中飛則兩股相切作聲
聞數步詩曰五月螽斯動股言螽斯股來而奮迅之也螽
斯股春時尚弱至夏始奮故列子以謂臣力析春螽之股

堪秋蟬之翼以垂至冬而死故螽字从冬魯十月而有螽
孔子曰火伏而後蟄者畢今火猶西流耳失閏也舊云螽
斯中之不妬忌者一母生九十九子故詩云螽斯蟄蟄以
為子孫衆多之况按俗呼螽蟄能害稼為穴土子田畔
放野燒以絕螽子似爾雅云蟄螽蟄蟄註云今蟄蟄也俗
蟄而小飛躍有聲爾雅云蟄螽蟄蟄註云今蟄蟄也俗
謂螽蟄月令註云其類乳于土中深埋其卵江東謂之螽
蟄一作蟄爾雅螽蟄一作螽蟄迅也方言曰螽南楚之外謂之螽
蟄或謂之螽又云春黍又謂之螽蟄江東呼蛭蛭能害稼
者藕輒曰螽生八十一子拾遺記云螽蟄与蛭蛭交人見
而拾之堪為媚藥或云乃負螽非螽斯也

土蝨○爾雅云土蝨蟻蛄註云似蝗而小名曰土蝶又云
蟻蝨蟻蛄註云似蟻蛄而細長蟬史云土蝨似螻蛄而細
長銳頭青翼能飛能跳飛不甚遠亦能害稼人執其兩股
能搖動其身如女人織然故又名織綸娘

阜蝨○埤雅云阜蝨一名蟬蛄亦能飛跳飛不能遠青色
語云嚶嚶草蟲趨趨阜蝨草蟲鳴于上風負蝨鳴于下風
而風化文選云草蟲鳴負蝨躍或云草蟲蛭蛭也阜蝨似
蝨斯好与蛭交異類同穴人取之為媚藥或云阜蝨即蜚
蠊也一名負盤杜預云即負蟻也蟬史云蟬蛉阜蝨子也
博物志云蜚蠊取阜蝨子呪成已子則知阜蝨子即蟬蛉

也或云阜螽名夜行虫

石蟹虫○拾遺記云石蟹虫形如螻蛄而小身長兩股如蟹在阜頭能飛螽之類也與蚯蚓交

灶虫○襍俎云灶虫狀如促織稍大脚長好穴于灶側俗云灶有馬足食之兆故又名灶馬蟬史云灶馬一名灶鷄形類促織而身軟長鬚兩股能跳食鍋中餘沫促織則有翼而黑色性剛善閉灶雞則無翼而褐色身弱而易死其聲亦曰織織

庄螂○蟬史云庄螂黃色身扁而臭好穴居灶間冬蟄春出江南人家一灶至有盈斗者俗呼滾食虫以其能令人

家豆食也又名黃蛭初生如莖大久則漸長生翼能飛亦名灶虫一種生于東海船上者似庄螂而小脚稍長無翼好羣穴鍋灶邊名曰灶蛭又名船蛭

佗背虫○蟬史云佗背虫似促織而白色雙鬚甚長無翼不能鳴背偃長股善跳好居下濕地雌雄未嘗相離碎車虫○襍俎云碎車虫狀如唧唧蒼色好棲高樹上其聲如人吟囁有矢而黑者聲亦呼唧唧俗呼沒鹽虫

蝗

埤雅曰蝗一名蟻蝗字从皇其首腹皆有皇字未燭厥理蝗乃魚卵所化列子曰魚卵之為虫蓋謂是也春魚生子

如粟埋于泥中明年水及故岸則皆化魚如遇乾旱水縮
不及故岸則其子久擔被日所曝乃生飛蝗詩云衆維魚
矣宴維豐年說者以為陰陽和則魚衆多矣故豐年夢魚
理或然也字說曰蠨食苗葉無傷于寔若蠨可貸也賊食
苗節賊苗蟲食苗根如句所植螟食心不可見此虫天下
治則入海為蝦上下無道則生矣春秋紀之所以警後之
為人主者類後曰蝗由吏貪殘所召葉子奇曰蝗或言魚
子變近之矣食穀為灾由部吏侵漁百姓所致虫身黑頭
赤武夷也頭黑身赤儒吏也

說文曰蝗如蠶蟬腹下有梵字魚子所化或云蝦所化東

坡云遺蝗入水應千尺註云老農言蝗之生子遺而入地
若經大雪則入地愈深河圖秘徵篇云帝貪則政暴而吏
酷酷則誅深必主蝗王璠蝗虫乃貪苛之所致也苦心識余
曰馬援為太守蝗化魚蝦王況為陳留守蝗高飛去梁脩
為秦州刺史飛鳥食蝗殆盡魯恭為中牟令常茂為密令
歐陽玄為蕪湖令蝗皆不入境蓋政善所致也

蝻

蟬史曰蝻蝗屬害稼虫也好食葉蚪蚋蟬屬亦害稼虫也

蝗

爾雅曰食苗心曰螽食葉曰蟻食節曰賊食根曰蝻說文

白吏冥冥犯法即生煩乞貸則生煩抵冒取民財則生煩
陸氏曰靈芝朱草秬之種其美與螟蟥之種其善惡雖
不同而所繫于王者之政一也說文註云蠹食草根者从
虫其篆孛象其形也徐鍇曰惟此一字象蟲形騰一作即
蟲也一作淮南子曰枉法令即多蟲螟詩云去其螟蟥及
其蟲賊無害我田穉

蜚蠊

蟬史曰蜚蠊一名負盤一名負蟻疑世之所謂天婢蟲也
又名天蜚能害稼吸枯禾莖令苗稿矣一種似廢虫而大
蒼色一種似螢而大白色本草云蜚蠊一名負盤蜀人食

之味辛辣蘇氏曰蜀人重薑棗猶巴人重負蟻也陶隱居
曰蜚形似蠶虫而輕小八九月天寒多入人家磨本別錄
云蜚形似蚕蛾腹下赤即南人謂之滑虫多在林樹間百
十為群爾雅曰蜚蠊蜚註云即負盤虫也羅氏曰蜚蠊一
名蜚似蟻而輕小能飛本在草中八九月知寒多入人
家屋裡逃避好以清旦入田中吸稻花日出則散去既食
稻花又氣臭惡能熯稻使不蓄故春秋書以為灾
夜行虫○釋史云夜行虫亦名負蟻有短翅不能飛遠好
夜中行觸之氣出故名夜行虫又名氣盤虫或人食之味
辛辣汪機云草虫負盤負蟻夜行虫蜚蠊異類而同名也

蠶蟄虫○本草云蠶蟄虫似夜行虫而小有小毒

蟻○爾雅云蟻蟻蚋螽之屬食穀為災劉歆曰蟻蟻蟻
蚋蟻之有翼者即飛蟻也一名蜚蟻註云螽之始生劉向
以為蟻之始生俱非是也

青腰虫○本草云青腰虫如蟻大赤色腰中青黑尾尖有
短翅能飛春夏有之有大毒着皮肉腫起

守瓜○爾雅云蟻蟻父守瓜註云瓜中黃甲小虫也喜
食瓜葉故曰守瓜形如蟻而小列子曰齧蟻生于腐蟻蟻
即守瓜也

蜺○爾雅云蜺蜺女蝓註云小黑虫赤頭喜自經死故曰

縊女

蟾蜍

蟾史云蟾蜍一名蝦蟇一名蚺蚺一名龜龜一名黑麻腹
大背黑以脰鳴皮上多癰磊頭有角角上有酥名曰蟾酥
冬蟄于土春出陂澤間雌雄相抱吐而生卵卵如羊腸中
有黑點連綴十日乃化名曰科斗蝦蟇生子後腹室無物
故曰蝦蟇無腸脊鳴水田中俗謂之聒子襍俎云蝦蟇抱
蟾史云本少圖經陶氏及埤雅諸書多分蝦蟇蟾蜍為二
種以為蟾蜍大腹癰背不能跳躍亦不善鳴其行舒緩好
居下濕之處蝦蟇小于蟾蜍能跳接百虫善鳴及郭璞爾

雅註䟽亦謂蟾蜍似蝦蟇而實非一種然予村居無事細視蝦蟇能行能跳能伏能出科斗漸大脫尾生足初在水中群游似魚生足則登陸至四五月則居稻田內俗呼杜鵑好鳴能跳接百虫而食之此物經年方老居人家下濕地夏夜則出拾虫而不能跳矣其行舒遲亦不鳴聒人呼為蛤霸其實一物以其老幼殊質春夏異時遂今為二也其矢名曰土檳榔其肪塗玉則軟刺削如蠟抱朴子曰蟾蜍壽至千歲者頭上有角領下有丹書八字

爾雅云龜鼈蟾諸部註云似蝦蟇居陸地淮南謂之去蚊或云蝦蟇一名土犬洽聞記云蝦蟇大者名田父能食蛇

蛇行田父逐之蛇不得去田父含其尾久之蛇死尾後數寸皮不損肉已盡也會編曰一種蟾大而黃色多在山石中藏蟄能吞氣飲風露不食雜虫謂之山蛤蟬史云山蛤一名南風蛤又名石蜺生溪山谷中遇南風則出背黑色非腐兩肢甚長孝豐人珍之為上品連皮蒸熟味在于皮按尚書故實云越人食蝦蟇以疥者為上品蓋以其為錦襖子也

爾雅云科斗活東註云蝦蟇子也山海經云崑山湘水東流其中多活師即科斗也埤雅云科斗逢月大盡前足先生小盡後足先生足生鱗尾脫尾脫繞登陸古今註云科

斗形圓有尾聞雷震則尾脫足生本草會編云蝦蟇曳腸于水際草上經激如索日見黑點漸深至春水時鳴以聒之謂之聒子所謂聒抱是也科斗頭圓色黑始出有尾無足稍大足生而尾脫俗謂之蝦蟇黏眉間白汁謂之蟾酥張衡云羿妻嫦娥竊藥奔月宮是為蟾蜍故今人呼月為蟾神仙傳云益州北平山有蝦蟇謂之肉芝王喬食之成仙秋長山洞中有千歲餘蟾蜍見者得道白日上昇東坡詩註云蝦蟇蜈蚣蛇三物相值皆不動彼此畏食也類後云蟾蜍午日陰乾帶之可辟兵淮南子云老蝦蟇化為黿陸氏曰燒蝦蟇可以制蝨蟲

龜一作蛙

蟬史云龜一名螭一名長股一名田雞一名水鷄一名
暹一名土鴨青者名青蛙似蝦蟇而小有蒼色者有青色
者有班色者韓文公答柳柳州食蝦蟇詩乃蛙也非蝦蟇
也故韓詩云蛤即是蝦蟇同寔浪異名蓋蛙又名蛤魚也
一種青色極小天將雨能上樹木鳴名上樹青蛙格物論
云螭腰細口大皮蒼黧色俗謂之青蛙背有黃路者謂
之金線蛙大腹而脊青者俗名土烏其鳴甚壯一種長股
名石鷄亦名錦襖子又有黑色者名蛤子此即南風蛤也
寇宗奭曰龜色青腹細翦尖後脚長故善跳大其聲則曰

龜小其聲則曰蛤月令所謂雀入大水為蛤者是也

蟬史云月令謂雀入大水為蛤雉入大水為蜃蓋蛤乃蛙
蛤之蛤非螺蛤之蛤蜊乃龍蜃之蜃非蛤蜊之蜃觀談苑
曰蝦蟇化鴽則雀化理觀埤雅雉好與蛇交則雉有化
蜃之理況雀與蛙雉與蜃知覺頗類若螺蛤無口眼面鼻
而豈雀雉之所化哉

爾雅曰在水者鼃亦註云耿鼃也名青蛙大腹一名土鴨
月令曰孟夏蜩蟪鳴季秋雀入大水為蛤汲冢周書云立
夏之日蜩蟪鳴蜩蟪不鳴水潦淦漫埤雅曰蛙似蝦蟇而
長跣瞋目似怒故俗呼怒蛙蓋其名聾哇淦故曰蛙傳云

紫步蛙聲餘分閤位周禮秋官司馬氏掌去蛙鼃焚牡鞠以
灰洒之則死以其烟被之則凡水虫無聲莊子云鼃鎖之
衣生於陵屯則為陵鵠陵鵠卓前子也侯鯖錄云水雞蛙
也水族中厥味可薦

鼃一作
鵠

爾雅云鼃鵠豎豎註云即蜃也江東呼寒鵠一名曲蟺
又名地龍一名物蛄吳楚之間謂之寒蟪埤雅云考工記
註云鼃蟪却行蟪土精也其為物不息引而後伸猿善緣
鼃善引蛤介合蟹介解又曰鼃字一作蟪蓋鼃達于寅故
从寅一名蜃蟪一名土龍善長吟于地下江東呼為歌女

又曰鳴砌孟子曰夫蚓上食槁壤下飲黃泉蓋以其無求于世也又曰魚無耳鯁無口蛇無足蚓無筋又曰蚯蚓土精無心之虫與蠃蟪交本草會編云蚯蚓應候而鳴方家謂之地龍爾雅謂之曲蟺夏月夜鳴于草底與阜螽同穴為雌雄五月五日收取堪為夫婦媚藥詩云嚶嚶草虫趯趯阜螽張衡云曲蟺鳴則阜螽跳是以蚓為草虫也阜螽即蠃蟪也

韻會云蚯蚓一名蚘蛄開州盛山縣多蚘蛄蚘蛄後改為蚘蛄郡呂氏春秋云黃帝時大蚘大蛄如紅知土氣勝也故色尚黃汲冢周書解云立夏之日懷蟬鳴又五日蚘蛄出

蝮蝮不鳴水潦淫漫蝮蝮不出嬖孽居之冬之日蝮蝮結
蝮蝮不結君改不行月令云孟夏蝮蝮出冬至蝮蝮結埤
雅云蝮蝮穴居首陽下向陽動則穴而上首故其身結而
屈也

水黽○本草云水黽亦名水馬長寸許羣遊水上水涸即
飛食之令人不渴但有小毒能殺雞犬

水蠱○蟬史云水蠱似螳螂而小細身長脚生水中能化
蜻蜓

水蟲○蟬史云水蟲一名魚蠱似人蠱而大長寸許生水
中能化蜻蜓

蛭

爾雅云蛭蟻郭氏云今江東呼水中蛭虫入人肉者為蟻
爾雅又云蛭蟻至掌郭曰蛭有三名也本草云蛭微寒有
毒一名蛭一作蟻一名至掌畏石灰生水者名小蛭亦
名馬蟻生山中者名石蛭生草者名草蛭生泥中者名泥
蛭並能着人及牛馬身上齧啞其血甚者入肉中產育為
害大者長尺許人呼為牛馬蟻人觸之縮如拳頃之引伸
而綴如蛭蚓也此物極難死火灸後經年得水尤能活石
蛭等並頭尖腹廣不堪入藥若誤用之令人目中生烟不
已漸致枯損也

卽君子○異物志云卽君子生南海有雌雄青碧色狀若杏仁欲驗真假先含口內令熨然後放醋中雌雄相趨遂巡便合卽下其卵如粟粒狀真也婦人臨產手執之便生子

蝓瑜

蟬史云蝓瑜俗呼涎牛又名蜆蚌身有涎好游下濕處頭有二角如蝸牛而無殼大小不等白色或云是蝸牛之老者非也蜈蚣最忌之遇其涎輒脫足而死埤雅云南方積雨其涎書畫屋壁悉成銀跡卑濕如此

蛆

蟬史云蛆虫蠅所育也埤雅曰蠅懷蛆紫利蓋蛆初生如

粟米頃之長大善腐肉多生糞澗中及肉豉內皆有之

水蛆○襍俎云南中溪澗中多生水蛆至長寸許色黑夏
溪變為蠶虫螫人甚毒或云段氏所言者大水蛆也今江
浙間大如針者不能化蠶蟬史云水蛆俗呼蠶虫生積水
中屈伸反覆于水長二三分大如針夏月浮水面化為蚊
雪蛆○草木子曰世間萬物無不生虫陰山以北積雪歷
久不消其中生蛆名曰雪蛆大如歛味極甘美
海蛆○蟬史云海蛆極細虫也能蝕海舩久則舩壞舟人
以火焚舩底垂涎如臭涕蛆死矣
負子○雜俎云負子水虫也有子多負之

地防○本草云地防令人不飢不渴生黃陵虫似濡居
泥○蟬史云泥出東海純肉無骨名曰泥水中則活失水
則醉如泥然故今人謂爛醉如泥也一名沙噀四明志云
海塗中一物如牛蛭似牛腸臟頭長可五六寸胖軟如水
虫無首無尾無目無皮骨但能蠕動触之則縮小如桃栗
徐復擁腫去其涎腥亦可食名曰沙噀

蛔○蟬史云蛔一名燒一名虵土人腹中虫也又一種名
寸白虫亦人腹中虫也

應聲虫○生人腹中若有言小虫輒應之唯讀本草至藍
則默然以藍汁飲之則嘔出肉塊長二寸餘人形悉具或

云服雷丸數粒即愈

疥虫○草木子曰疥有虫使明者針而取之其大不以半粟也膚革完全乃因人氣血不和而化生者

蛭蛛

方言曰龜鼃螫也自關而西謂之鼃螫自關而東謂之龜鼃或謂之螫蟬北燕朝鮮洌水間謂之螫蟬郭註云齊人呼為杜公又名周公爾雅曰次蠶龜鼃龜鼃螫郭註云江東呼為螫蟬格物論云螫蟬大腹深灰色長畸者名螫蟬有赤班者名班螫蟬有五色者埤雅曰螫蟬結網網垂網破裂乃自食其故而易其新人以木屑投其網又能卸之

虫之智者也故字以知俗云倣蜘蛛而結網法蚌螺而閉
戶結網以趨利閉戶以避害人物皆然字說曰設一面之
網物觸而後食之蜘蛛義者也陶隱居曰蜘蛛一名絡○
者生山中及林落間皆有之○名曰花蜘蛛一名絡○
新婦○

蠅虎

蟬史云蠅虎一名蠅豹似蜘蛛而無綴絲身黑色背邊有
雙肉爪攫蠅而食之兩目似虎炯然有光說文謂之蠅蝗
蠅蝟○爾雅註云蠅蝟長跼小龜鼃長脚者俗呼為喜子
埤雅曰蠅蝟蕭梢長跼之貌亦倣如龜鼃之布網但無條
理垂絲著人衣當有喜荊州河內謂之喜母詩云蠅蝟在

戶荆楚歲時記云七夕陳瓜果庭中以乞巧有蟾子羅子
瓜果上以為得巧東京夢華錄亦云然

螳螂○爾雅云王蚋蟬郭云即螳螂似蜘蛛在穴中有蓋
今河北呼蚋蟬郭氏又曰土蜘蛛在地布網者即螳螂也
一名顛當本草云形似蜘蛛穴土為巢俗呼為顛當至河
北呼為蚋蟬草木子云顛當穴深如蚓穴網絲其中土蓋
與地平常仰掀其蓋伺候蠅蠖過輒翻捕之繞入復閉與
地一色並無絲線可尋也形似蜘蛛大如榆莢

蜘蛛○陶隱居曰蜘蛛在孔穴中及草木稠密處作網如
蚕丝為幕絡就中間一門出入形段似蜘蛛而班小或曰

即所謂絡新婦蟬史云蚰蜒身在籬落上及葉薈中作幕
絡如人掌大四面嚴密中通一孔出入身蔽于內伺蠅蚋
觸網則出撿食之形似蠅虎身有毛斑

辟錢虫○蟬史云辟錢虫似蜘蛛而身扁作白幕如錢着
壁間土人呼為辟墮其抱子隔幕而伏生子百數圻幕而
出多居人家閣壁間一名扁蠅一名辟鏡

八脚喜○蟬史云八脚喜似蜘蛛而最大不能布網就于
腹下懸幕抱子能醫有毒此虫十倍蠅蚋而見捕于蠅蚋
如羊之遇虎莫之敢抗

蠅

本草圖經云蠍名蚺蚺陶隱居曰蠍有雌雄雄者螫人痛止一處雌者痛牽諸處雄用井泥傅之雌用瓦屋溝上泥傅之本草云蠍毒在尾蠍前謂之螫後謂之蠆段成式曰鼠負虫巨者化為蠍蠍子多負于背俗呼為主簿虫蓋以江南因王主簿用竹筒遺其種也蟬史云蛭蛄規蠍守宮虫能捕蠍故名蠍虎或云蚺蜴亦能食之

蚺蜴

埤雅曰詩云蚺蜴在室蚺蜴甕器底虫形似衣魚而大一名鼠婦食之令人善淫鼠負陶隱居曰鼠在坎中背則負之一名鼠姑一名鼠黏因濕化生又謂之濕生爾雅曰蟪

鼠負郎註云鼯鼠底虫又曰伊威委黍郎註云鼠婦別名也鄭箋云此物家無人則生襍俎云鼠負大者多化為蠹砂梭子○本草云砂梭子有毒殺飛禽走獸生砂石中作旋孔有虫子如大荳背有刺能倒行一名倒行狗子性好睡亦名睡虫生取之置枕令夫妻相好

蛸螺○廣雅云蛸螺井中小蛸蛸赤虫一名子子

食膠虫○襍俎云食膠虫夏月食松膠前脚傳之沒脚聃之內之尻中

益符○本草云益符虫一名無舌可療閉疾

怨虫○一統志云漢武至長平坂有虫盤而覆地色如生

肝頭口目異皆具東方朔曰此秦故獄處始皇拘殺無辜
憤氣所生也得酒可以忘憂酒之酒遂消

異虫○襍俎云江州有一物如黃葉大尺餘眼遍其上每
一眼底有翳如釘人莫能識

謝豹○襍俎云饒州有虫名謝豹常在溪土中小類蝦蟇
而負如毬見人以兩脚交覆首如羞狀能穴地鼯鼠頃刻
深數尺或出地聽謝豹鳥聲則腦裂而死謝豹鳥印
溪狗○本草云溪狗似蝦蟇生南方溪石間尾三四寸

蜚蜚

爾雅云蜚蜚註云蜚蜚也反小正曰蜚則鳴

埤雅云蜚蛄臭虫一名蟭一名天蟭孫炎曰蟭是雄者善
鳴善飛雌者腹大羽小不能飛翔食風与土類後曰磨鉄
致蛄汗羈引兔蛭灰除蠹蟪陽去伏言物之相關感有如
是者方言曰蜚蛄謂之蜚蛄或謂之蟭蛉南楚謂之杜狗
或謂之蛄蛄周官曰馬黑脊而盤臂蛄先儒云蛄蛄臭也
傳所謂腥蛄而不可饗腥惡而不可親蓋出于此廣志小
學篇云蜚蛄會稽謂之蟭蛄

本草云蛄蛄穴糞壤中而生夜出求食能含燈火而走俗
呼偷火虫人夜見之多打殺之言其為鬼所使也一名蟭
廣雅云蛄蛄一名碩鼠孔穎達曰有五能而不能成技之

也蔡邕曰碩鼠五能不成技蒿子曰梧鼠三技而窮碩鼠自是一種蓋螻蛄亦名碩鼠性相類耳